

Тошкент давлат юридик университети
кенгашининг 1-сон мажлиси
БАЁННОМАСИ

2020 йил 25 август

Тошкент шаҳри*

Раислик қилди: Р.Хакимов – ректор.

Кенгаш аъзолари: Д.Умаров, А.Ҳошимхонов, И.Рустамбеков, Н.Салаев, Б.Бобожонов, И.Джураев, А.Тошпулатов, Ш.Якубов, А.Якубов, А.Бабаджанов, Б.Ходжаев, Ш.Сайдуллаев, У.Тухташева, Д.Умархонова, С.Муратаев, Д.Маҳкамов, И.Эргашев, Б.Мусаев, Д.Базарова, Д.Камалова, О.Нарзиев, Х.Очилов, Н.Имомов, Ш.Исмоилов, Г.Узакова, Г.Гулямова, Г.Носирходжаева, Д.Докучаев, Д.Хабибуллаев, Х.Раджабов, Н.Гафурова, Ш.Пўлотов, С.Юсупов, Ш.Хўжаев, А.Матмуротов,

Б.Норматов – кенгаш котиби.

Мажлисга таклиф этилганлар: университет таркибий бўлим раҳбарлари.

КУН ТАРТИБИ:

1. Тошкент давлат юридик университети кенгашининг 2020/2021 ўқув йили биринчи ярми учун иш режасини тасдиқлаш
(кенгаш котиби Б.Норматов);
2. Тошкент давлат юридик университетининг 2020/2021 ўқув йили биринчи ярми учун иш режасини тасдиқлаш
(мониторинг ва ички назорат бўлими бошлиғи Д.Маҳкамов);
3. 2020/2021 ўқув йилида ўқув тусдаги тадбирлар ва уларнинг соатлар энг кам миқдорини белгилаш
(бошқарма бошлиғи А.Тошпулатов);
4. Бакалавриат таълим йўналиши ва магистратура мутахассисликлари бўйича тайёрланган малака талаблари ва ўқув дастурларини тасдиқлаш.
(бошқарма бошлиғи А.Тошпулатов);
5. Талабаларнинг хорижий олий таълим муассасасида ўқиган даври ва ўзлаштирган фанларини университет ўқув режаси ва дастурларининг тегишли қисмларини ўзлаштирган сифатида қабул қилиш
(бошқарма бошлиғи А.Тошпулатов);
6. Карантинга оид чоралар амал қилиш даврида Тошкент давлат юридик университетида талабалар модуль бўйича ўқув дастурларини ўзлаштирганлик даражаларини аниқлаш тартибини тасдиқлаш

* Университет кенгашининг мажлиси йиғилиши “Zoom” дастурий воситаси орқали онлайн видеоконференция кўринишида ўтказилди. Видеоконференция идентификатори 897 8559 8449. Мажлис соат 10-00 дан 13-00 га қадар бўлиб ўтди.

(бошқарма бошлиғи А.Тошпулатов);

7. Тошкент давлат юридик университетида таълимнинг кредит-модуль тизими тўғрисидаги тартибни тасдиқлаш

(бошқарма бошлиғи А.Тошпулатов);

8. Ўзбекистон Республикаси Адлия вазирлигининг юридик техникумлари ўқув режа ва дастур (модул)ларини тасдиқлаш

(проректор Д.Умаров);

9. Тошкент давлат юридик университети қошидаги академик лицей тузилмаси, ўқув режа ва дастурларини тасдиқлаш

(проректор Д.Умаров);

10. Коррупцияга оид ҳуқуқбузарликлар тўғрисида хабар берган шахсларни рағбатлантириш миқдорини белгилаш тўғрисида

(проректор А.Ҳошимхонов);

11. Ижтимоий ҳимояга муҳтож талабаларни моддий рағбатлантириш учун асос бўлувчи меъзонларни белгилаш

(проректор А.Ҳошимхонов);

12. Давлат стипендияларига эълон қилинган танловда иштирок этиш учун номзод талабаларни тавсия этиш тўғрисида

(марказ раҳбари Ш.Пўлотов);

13. Университетда қўшимча пул маблағларини жалб қилиш тартиби

(проректор Б.Бобожонов);

14. ТДЮУ ҳузуридаги Ихтисослаштирилган филиалнинг ўқув режа ва дастурларини тасдиқлаш

(филиал директори ўринбосари И.Джураев);

15. ТДЮУ Ўқув жараёни графиги тўғрисида

(бошқарма бошлиғи А.Тошпулатов);

16. Тошкент давлат юридик университети ходимларининг лавозим йўриқномасини янги таҳрирда тасдиқлаш

(Кадрлар бўлими бошлиғи А.Матмуротов).

(Р.Ҳакимов, Б.Норматов, Д.Маҳкамов, А.Тошпулатов, Д.Умаров, А.Ҳошимхонов, Ш.Пўлотов, Б.Бобожонов, И.Джураев, А.Тошпулатов, А.Матмуротов, Р.Ҳакимов)

Тошкент давлат юридик университети кенгаши мажлисини кенгаш раиси Р.Ҳакимов олиб борди ва кенгашда кворум мавжудлигини қайд этиб, кенгаш мажлисини очик деб эълон қилди. Кенгаш мажлисининг кун тартиби ва регламенти кенгаш томонидан тасдиқланди.

Кун тартибидаги биринчи масала – Тошкент давлат юридик университети кенгашининг 2020/2021 ўқув йили биринчи ярми учун иш режасини тасдиқлаш бўлиб, ушбу масала юзасидан кенгаш котиби Б.Норматовнинг ахбороти эшитилди.

Мазкур масала юзасидан кенгаш котиби Б.Норматов сўзга чиқиб, Университет кенгашининг низомига кўра Университет кенгаши ўз вазифаларини режа асосида амалга ошириши белгилангани ва университет таркибий тузилмаларнинг таклифлари асосида Университет кенгашининг 2020/2021 ўқув йили биринчи ярми учун иш режасининг лойиҳаси ишлаб чиқилганлигини таъкидлади.

Бундан ташқари, кенгаш котиби Университет кенгаши фаолиятини янада такомиллаштириш мақсадида Университет кенгашининг 2020/2021 ўқув йили биринчи ярми учун мўлжалланган иш режасини ишлаб чиқишда энг муҳим масалалар эътиборга олингани, кенгаш мажлиси ҳар икки ойда ўтказилиши режалаштирилгани, кенгаш иш режасида университетнинг ўқув, илмий ва маънавий-маърифий соҳадаги фаолияти билан боғлиқ бўлган муҳим масалалар ўз ифодасини топганини айтиб ўтди.

Мазкур кенгаш режасига кўра жорий йилнинг октябрь ойида Тошкент давлат юридик университетида профессор-ўқитувчиларнинг Scopus ва Science direct электрон маълумотлар базаси тизимидан фойдаланганлик натижалари таҳлили; университет педагог ходимларининг илмий салоҳиятини ошириш ва илмий-педагогик кадрларни тайёрлаш масалаларининг бориши ҳақида ахборот; Ўзбекистон Республикаси Президенти Ш.Мирзиёев томонидан илгари сурилган Ёшлар маънавиятини юксалтириш ва уларнинг бўш вақтларини мазмунли ташкил этиш бўйича бешта муҳим ташаббус ижроси юзасидан университетда амалга оширилган ишлар аҳволи ва бу борада амалга оширилиши муҳим бўлган вазифалар бўйича ахборот ва турли масалалар режалаштирилганини айтиб ўтди.

Мазкур кенгаш режасига кўра жорий йилнинг декабрь ойида Тошкент давлат юридик университетида ижро интизоми ҳолати ҳамда Жисмоний ва юридик шахсларнинг мурожаатлари тўғрисида”ги Қонун талабларига университетда риюя этилиши юзасидан ахборот; докторантлар ва мустақил-изланувчилар фаолияти юзасидан ўтказилган мониторинг натижаларини кўриб чиқиш; Тошкент давлат юридик университетида фаолияти йўлга қўйилган жамоат ташкилотлари фаолият самарадорлигин ошириш; давлат илмий-техник дастури бўйича амалга оширилган илмий-тадқиқот ишлари ҳисоботларини тасдиқлаш; докторантлар ва мустақил-изланувчилар институтларига қабул натижаларини тасдиқлаш; 2019/2020 ўқув йили 2-семестрида талабаларнинг ўзлаштириш кўрсаткичларининг таҳлили;

диссертация мавзуларини тасдиқлаш ва турли масалалар режалаштирилганини айтиб ўтди.

Мазкур кенгаш режасига кўра 2020 йилнинг январь ойида Тошкент давлат юридик университети кенгашининг 2020/2021 ўқув йили иккинчи ярми учун иш режасини тасдиқлаш; Тошкент давлат юридик университетининг 2020/2021 ўқув йили иккинчи ярми учун иш режасини тасдиқлаш ва турли масалалар режалаштирилганини айтиб ўтди.

Шунингдек, мазкур иш режа лойиҳаси тегишли проректорлар ва таркибий тузилма раҳбарлари томонидан кўриб чиқилгани, билдирилган таклифлар асосида шакллантирилганини айтиб, университет кенгаш аъзоларидан мазкур режани тасдиқлаб беришни сўради.

Раислик этувчи муҳокамани якунлади.

Раислик этувчи мазкур масала юзасидан тайёрланган қарор лойиҳаси бўйича қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ:

1. Тошкент давлат юридик университети кенгашининг 2020/2021 ўқув йили биринчи ярми учун иш режасини тасдиқлаш ҳақида Университет кенгаш котиби Б.Норматовнинг ахбороти маълумот учун қабул қилинсин.

2. Тошкент давлат юридик университети кенгашининг 2020/2021 ўқув йили биринчи ярми учун иш режаси 1-иловага мувофиқ тасдиқлансин.

3. Проректорлар И.Рустамбеков, Д.Умаров, А.Ҳошимхонов, Н.Салаев ва Б.Бобожоновлар университет кенгашининг 2020/2021 ўқув йили биринчи ярми учун иш режасида белгиланган тегишли вазифаларнинг ўз вақтида ва сифатли бажарилишини таъминласин.

4. Университет кенгаши котиби университет кенгашининг 2020/2021 ўқув йили биринчи ярми учун иш режасида белгиланган вазифалар ижроси бўйича таркибий бўлинмалар томонидан маълумотларни ўз вақтида тақдим этилишини назорат қилсин.

5. Мазкур қарорнинг бажарилишини назорат қилиш университет ректори Р.Ҳакимов зиммасига юклансин.

Кун тартибидаги иккинчи масала — Тошкент давлат юридик университетининг 2020/2021 ўқув йили биринчи ярми учун иш режасини

тасдиқлаш бўлиб, ушбу масала юзасидан Мониторинг ва ички назорат бўлими бошлиғи Д.Маҳкамовнинг ахбороти эшитилди.

Мазкур масала юзасидан бўлим бошлиғи Д.Маҳкамов сўзга чиқиб, университетнинг 2020/2021 ўқув йили биринчи ярми учун мўлжалланган иш режаси лойиҳаси проректор ва таркибий бўлимлар томонидан берилган таклифлар асосида шакллантирилгани, мазкур университет иш режаси ўқув, ўқув-услубий ишлар, маънавий-маърифий ишлар, илмий ишлар ва инновациялар йўналиши, ҳалқаро ҳамкорлик ва узлуксиз таълим ишлари йўналиши ҳамда молия-иқтисод ишлари йўналишларидан ташкил топганини айтиб ўтди.

Мазкур режанинг ўқув, ўқув-услубий ишлари йўналишида куйидаги ишлар: масофавий таълим платформаси (distant.tsul.uz)ни тўлиқ ишга тушириш; Европа кредит тизими – ECTS (European Credit Transfer and Accumulation System)ни жорий этиш; 2-4-курс талабалари учун дарс машғулотларини масофавий шаклда ташкил этиш; 1-курс ва магистратура босқичи талабалари учун масофавий дарс машғулотларини бошлаш; Қозоғистоннинг М.С.Нарикбаев номидаги КАЗГЮУ университети ва Беларусь Республикасининг Гродно давлат университетлари билан қўшма таълим дастурлари бўйича ўқишни йўлга қўйиш; Хорижий мутахассисларни жалб қилган ҳолда чуқурлаштирилган ўқитишни амалга ошириш учун чет тилларида таълим бериладиган махсус академик гуруҳлар ташкил этиш ва лаборатория, коворкинг марказлари ташкил қилиш орқали ўқув-методик базани кучайтириш масалалари белгиланганини қайд этди.

Мазкур режанинг Маънавий-маърифий ишлар йўналишида куйидаги ишлар: Ўзбекистон Республикаси давлат мустақиллигининг 29 йиллиги муносабати билан 5 та муҳим ташаббус йўналишларидан келиб чиққан ҳолда Талабалар онлайн фестивалини ташкил этиш; Университетнинг халқаро миқёсидаги нуфузини янада ошириш, университет талабаларини халқаро миқёсида ўтказиладиган лойиҳа ва танловларда иштирок этишига тайёрлашга қаратилган Халқаро танловлар интенсив курсларини ташкил этиш; Аҳолига юридик ёрдам кўрсатиш ҳамда уларда мавжуд муаммоларни бартараф этишга кўмаклашиш юзасидан **“Муаммолар чоррахасида”** номли **you tube** видео хостингида онлайн ҳуқуқий тарғибот лойиҳасини йўлга қўйиш; Университет профессор-ўқитувчилари ва талабалари ўртасида **“Mentor”**лик анъаналарини йўлга қўйиш. Бунда ҳар бир профессор-ўқитувчи ўзининг талабалардан иборат кичик гуруҳларини ташкил қилган ҳолда **“Устоз шогирдга кўмакчи”** шиори остида ўз фаолиятини йўлга қўйиш; Устоз ва мураббийлар куни муносабати билан **“Устозимга мактуб”** лойиҳасини амалга ошириш ҳамда талабалар иштирокида инновацион

роликлар тайёрлаш; Ўзбек тилига давлат тили мақоми берилганлигининг 31 йиллиги муносабати билан: **“Она тилимга мактуб”** рукни остида талабаларнинг онлайн ижодий танловини ўтказиш, **“Тил бор экан миллат барҳаёт”** мавзусида онлайн викториналар ўтказиш, **“Тил бор экан миллат барҳаёт”** шиори остида онлайн маънавий-маърифий тадбир ташкил этиш; **17 ноябрь Халқаро талабалар куни** муносабати билан университет талабалари орасида **“Law students Week”** онлайн фестивалини ташкил этиш ва ўтказиш; Иқтидорли талабаларни китоб ўқишга қизиқтириш мақсадида **“Мен севиб ўқиган китоб”**, **“Адабиётни англаш, инсонни англаш”** викторинасини ташкил этиш; 8 декабрь – Ўзбекистон Республикаси Конституцияси куни муносабати билан 100 боғча ва 100та мактаб челленжи лойиҳасини университет муассислигидаги Жамоат бирлашмаси билан ҳамкорликда амалга ошириш, Университет профессор-ўқитувчиларининг ОАВларида чиқишларини ташкил этиш каби масалалар белгиланганини қайд этди.

Мазкур режанинг Илмий ишлар ва инновациялар йўналишида қуйидаги ишлар: Университет илмий салоҳиятини ошириш бўйича аниқ чора-тадбирларни амалга ошириш; Халқаро илмий-техник базаларга кирувчи журналларда (Web of Science, Scopus базасида) мақолалар чоп эттириш бўйича ишларни жадаллаштириш; Магистратура талабаларини илмий тадқиқот ишларига жалб қилиш; Университет докторантлари ва мустақил изланувчиларининг илмий-тадқиқот фаолияти самарадорлиги мониторингини ташкил этиш; Юриспруденцияда янги ахборот технологиялари ва тизимларини ишлаб чиқиш ва татбиқ этиш мақсадида Legal Tech лабораториясини ташкил этиш ва фаолиятини йўлга қўйиш; Қўшимча молиявий тушумлар, жумладан маҳаллий ва хорижий инвестицияларни жалб қилиш бўйича чора-тадбирларни амалга ошириш; Университетнинг **“Юридик фанлар ахборотномаси”** – Вестник юридических наук – Review of Law Sciences” илмий-амалий журналининг 3-4 сонларини нашрга тайёрлаш ва Олий ва ўрта махсус таълим вазирлиги билан ҳамкорликда Академик инновациялар фонди грант лойиҳаси доирасида амалга ошириладиган **“Электрон университет”** платформаси орқали юридик таълим олиш имкониятларини кенгайтиришнинг инновацион шакли” лойиҳасини амалга ошириш каби масалалар белгиланганини қайд этди.

Мазкур режаннинг Халқаро ҳамкорлик ва узлуксиз таълим ишлари йўналишида қуйидаги ишлар: Университетда Америка ҳуқуқи марказини ташкил этиш чораларини кўриш; Университет профессор-ўқитувчиларининг хорижий олий таълим муассасаларида, хусусан, масофавий (**“онлайн”**) малака ошириш, стажировкаларда иштирок этишига қўмаклашиш; Ҳамкор хорижий олий таълим муассасалари билан биргаликда вебинарлар ташкил

этиш; Ўзбекистон Республикаси Адлия вазирлиги юридик техникумларининг сўнгги икки йилдаги битирувчиларини ишга жойлашиши масаласини таҳлил қилиш ва натижаларини умумлаштириш ҳамда натижаси асосида университет ректорига тегишли таклифлар киритиш ва Университет қошидаги академик лицей битирувчиларининг олий таълим муассасаларига ўқишга кириш кўрсаткичларини таҳлил қилиш ва натижаларини умумлаштириш ҳамда натижаси асосида университет ректорига тегишли таклифлар киритиш каби масалалар белгиланганини қайд этди.

Мазкур режанинг Молия-иқтисод ишлари йўналишида қуйидаги ишлар: 1-сонли Талабалар турар жой биносининг биринчи қаватида жойлашган умумий ювиниш хоналарини жорий таъмирлаш; 1 ва 2-сонли Талабалар турар жойлари ҳовлисига ёритиш чироқларини ўрнатиш; 2-ўқув биносига ўрнатилган жалюзиларни янгилаш; Университет таркибий бўлинмалар сони ортганлиги сабабли қўшимча хизмат хоналари ташкил этиш; 2-ўқув биносининг фасад қисмини жорий таъмирлаш; Университет таркибий бўлинмаларида фойдаланилаётган хизмат компьютерларининг эскирган ва яроқиз ҳолга келганларини ўрнига янги компьютерлар харид қилиш ва ўрнатиш ва Университетнинг 1 курсига талабаликка қабул қилинган талабалар ҳамда янги ишга қабул қилинган ходимлар учун университетга кириб-чиқишни назорат қилувчи (турникет) тизимидан фойдаланишларини таъминлаш мақсадида ID карта (идентификацион чип)лар харид қилиш ҳамда улардан фойдаланишларига шароит яратиш каби масалалар белгиланганини қайд этди.

Раислик этувчи муҳокамани якунлади.

Раислик этувчи мазкур масала юзасидан тайёрланган қарор лойиҳаси бўйича кимда қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ:

1. Тошкент давлат юридик университетининг 2020/2021 ўқув йили биринчи ярми учун иш режасини тасдиқлаш тўғрисида Мониторинг ва ички назорат бўлими бошлиғи Д.Маҳкамовнинг ахбороти маълумот ва ижро учун қабул қилинсин.

2. Тошкент давлат юридик университетининг 2020/2021 ўқув йили биринчи ярми учун иш режаси 2-иловага мувофиқ тасдиқлансин.

3. Проректорлар И.Рустамбеков, Д.Умаров, А.Ҳошимхонов, Н.Салаев ва Б.Бобожоновлар:

Тошкент давлат юридик университетининг 2020/2021 ўқув йили иккинчи ярми учун иш режасида белгиланган вазифаларни ўз вақтида ва сифатли бажарилишини;

университет иш режасида белгиланган чора-тадбирлар ижроси юзасидан белгиланган муддатларда Мониторинг ва ички назорат бўлими (Д.Маҳкамов)га маълумот тақдим этилишини таъминласин.

4. Мазкур қарорнинг ижросини назорат қилиш университет ректори Р.Ҳакимов зиммасига юклансин.

Кун тартибидаги учинчи масала – 2020/2021 ўқув йилида ўқув тусдаги тадбирлар ва уларнинг соатлар энг кам миқдорини белгилаш бўлиб, ушбу масала юзасидан Ўқув-услубий бошқарма бошлиғи А.Тошпулатовнинг ахбороти эшитилди.

Мазкур масала юзасидан бошқарма бошлиғи А.Тошпулатов сўзга чиқиб, Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ–5987-сон Фармонида мувофиқ Тошкент давлат юридик университетида (кейинги ўринларда ТДЮУ) ўқитишнинг кредит-модуль тизими жорий этилгани, Ўзбекистон Республикаси Президентининг 2017 йил 28 апрелдаги “Тошкент давлат юридик университетида кадрлар тайёрлаш тизимини тубдан такомиллаштириш ва самарадорлигини кучайтириш чора-тадбирлари тўғрисида”ги ПҚ–2932-сон қарори билан ТДЮУга таълим беришнинг модуль тизими шароитида профессор-ўқитувчилар таркиби меҳнатини нормалаштириш иш вақтининг фақат ўқув тадбирларга асосланган ҳолда мустақил амалга ошириш ҳуқуқи берилганини қайд этди.

Ўзбекистон Республикаси Вазирлар Маҳкамасининг 2017 йил 2 июндаги “Тошкент давлат юридик университетида кадрлар тайёрлаш тизимини янада такомиллаштириш чора-тадбирлари тўғрисида”ги 347-сон қарорида ТДЮУда педагог ходимларнинг шахсий иш режаси фақат ўқув тусдаги тадбирларни, уларнинг соатлар миқдорини кўрсатган ҳолда, ўз ичига олиши, шунингдек ушбу соатларнинг энг кам миқдори ТДЮУ кенгаши томонидан белгиланишини қайд этиб, ТДЮУ ўқув тусдаги тадбирлар таркиби ўқитишнинг кредит-модуль тизими хусусиятларини инобатга олган ҳолда ишлаб чиқилганини айтиб ўтди.

Олий ва ўрта махсус таълим вазирининг буйруғи билан тасдиқланган Олий таълим муассасаси профессор-ўқитувчилар таркибининг ўқув юкламаси ҳамда ўқув-услубий, илмий-тадқиқот ва «устоз-шогирд» ишларини

белгилаш қоидалари (рўйхат рақами 3076, 2018 йил 8 октябрь) ўқув жараёни ўқитишнинг кредит-модул тизимига асосланган ТДЮУга нисбатан тадбиқ этилмаслиги, шу сабабли, ТДЮУда ўқув тусдаги ишлар рўйхатини иловага мувофиқ белгилаб олиш лозимлигини қайд этди.

Шунингдек, Ўзбекистон Республикаси Президентининг 2017 йил 28 апрелдаги ПҚ–2932-сон қарорида таълим беришнинг модул тизими шароитида профессор-ўқитувчилар таркиби меҳнатини нормалаштириш иш вақтининг фақат ўқув тадбирларга асосланган ҳолда мустақил амалга ошириш, шунингдек, педагогик ходимлар томонидан илмий-методик, илмий-тадқиқот, ташкилий-методик, маънавий-ахлоқий ва тарбиявий ишларни бажаришни рағбатлантириш ҳуқуқи берилганини айтиб ўтди.

Юқоридагилардан ҳамда Европа кредит тизими талабларидан келиб чиққан ҳолда, 2020/2021 ўқув йили учун профессор-ўқитувчиларнинг ўқув тусдаги тадбирлари ва уларнинг соатлар миқдорини қуйидагилар ташкил этишини келтириб ўтди:

ўқув (маъруза, амалий, семинар ва лаборатория) машғулотларини ўтказиш учун – 1 соат; бунда маъруза, семинар ва амалий машғулотлари 1 контакт соати (50 – 60 дақиқа)га тенг.

маслаҳатлар ўтказиш:

битта фанга (битта поток учун) кафедрадан масъул ўқитувчига (модул раҳбарига) ҳафтасига 6 соат;

масъул бўлмаган ўқитувчи учун ҳар бир семинар гуруҳи учун ҳафтасига 1 соат;

масофавий таълим доирасида ҳар бир фан бўйича масъул ўқитувчи учун ҳафтасига 6 соат (алоҳида масофавий таълим бўйича талабалар ўқишга қабул қилинган тақдирда).

маъруза ва семинар (амалий) машғулотларига тайёргарлик кўриш – жами контакт соатларининг 20% миқдорида;

ёзма иш шаклида оралиқ ва якуний назоратларни текшириш – ҳар бир талаба учун – 0,5 соатдан (бунда текширилган оралиқ назорат ёзма иши ва якуний назорат ёзма ишининг ҳар бирига алоҳида 0,5 соат ажратилади).

бошқа турдаги оралиқ назорат учун – 0,2 соат;

бакалавриат талабалари амалиётига раҳбарлик қилиш, уларнинг ҳисоботларини текшириш ва қабул қилиш, амалиёт бўйича ҳисоботларни текшириш ва баҳолаш – ўқув амалиётига раҳбарлик қилиш бир иш кунига – 6 соат;

бакалавриат талабаларининг битирув малакавий ишига раҳбарлик қилиш, ҳулосалар ёзиш – бир ўқув йилига ҳар бир талаба учун – 25 соат (бунда ҳар бир профессор-ўқитувчига 4 тагача битирув малакавий ишига

рахбарлик қилишга рухсат берилади. Академик ва фахрий профессорлар бундан мустасно);

магистратура талабасининг илмий тадқиқот иши ва магистрлик диссертациясига илмий маслаҳатчилик қилиш – бир ўқув йилига битта талаба учун – 50 соат (бунда фан доктори / профессорга 5 тагача магистрант, фан номзоди / доцентга – 3 тагача магистрант бириктирилиши мумкин);

ТДЮУ докторантига илмий маслаҳатчилик қилиш:

– бир нафар докторант учун бир ўқув йилида – 50 соат;

– бир нафар мустақил изланувчи учун бир ўқув йилида – 10 соат.

(бунда 3 та докторант ва 5 тагача мустақил изланувчи соати ҳисобга олинади);

якуний назорат ёзма имтиҳонларида назоратчи сифатида иштирок этиш – битта фан бўйича аудитория раҳбари ёки кузатувчиси сифатида иштирок этганлик учун – 2 соат;

хар бир профессор-ўқитувчига бир ўқув йилида ўртача 10 маротабагача назоратчиликда иштирок этиш бириктирилиши мумкин.

талабалар билимини аниқлаш бўйича назорат турлари (оралиқ ва якуний назорат) учун мантиқий саволлар, муаммоли масалалар (казуслар), иш юритиш ҳужжатларини мустақил тузишга қаратилган вазифалар ишлаб чиқиш – 1 та муаммоли вазият (казус) учун 2 соат, 1 та мантиқий савол учун – 0,5 соат;

фаннинг электрон модуль папкасини яратиш – фаннинг битта электрон модуль папкаси учун – 60 соат, мавжуд электрон модуль папкани янгилаш учун – 12 соат;

фан бўйича ўқув дастурини ишлаб чиқиш – битта янги фан ўқув дастури учун – 12 соат, мавжуд фан дастурини янгилаш учун – 6 соат;

Тошкент давлат юридик университети Юридик клиникаси фаолиятида иштирок этиш – ўқув йилида бир кафедра учун 100 соат (бир семестр учун 50 соат);

якуний давлат аттестациясини ўтказиш – ёзма иш шаклида бир поток (академ гуруҳ) учун – 3 соат, оғзаки шаклда битта талаба учун – 0,2 соат, ижодий ишларда битта талаба учун – 0,3 соат, ёзма иш (ижодий иш)ни текшириш учун ҳар бир ишга – 0,2 соат, тест шаклида битта академ гуруҳ учун – 1 соат. Якуний давлат аттестация комиссияси раисига комиссиянинг битта аъзоси учун бериладиган жами соатга қўшимча равишда 20% қўшилади.

Якуний давлат аттестацияси комиссияси таркибини олдиндан аниқлаш имконияти бўлмаган тақдирда, комиссияси аъзолари (кузатувчи профессор-ўқитувчи)га комиссия ўз ишини тугатгандан сўнг, соатбай ҳақ тўланади.

Соатбай иш тури профессор-ўқитувчининг йиллик шахсий иш режасига киритилмайди.

Профессор-ўқитувчининг йиллик шахсий иш режаси ТДЮУ кенгаши томонидан белгиланган ўқув тусдаги тадбирлар ва уларнинг соатларидан келиб чиққан ҳолда расмийлаштирилади.

ТДЮУда кредит-модуль тизими хусусиятларини инобатга олган ҳолда профессор-ўқитувчилар учун 2020/2021 ўқув йили доирасида ўқув тусдаги тадбирларнинг энг кам миқдори қуйидагича белгиланиши тавсия этилади:

1. Кафедра мудири / фан доктори / профессор – 20 кредит, жами 500 соат, ундан 200 соати аудитория (контакт) соат.

2. Фан номзоди / доцент / катта ўқитувчи – 25 кредит, жами 625 соат, ундан 250 соати аудитория (контакт) соат.

3. Ўқитувчи – 30 кредит, жами 750 соат, ундан 300 соати аудитория (контакт) соат.

4. Академик / фахрий профессор – 16 кредит, жами 400 соат, аудитория (контакт) соати белгиланмаслиги мумкин.

Профессор-ўқитувчилар ўқув йили доирасида ўқув юкламаси ўқув тусдаги тадбирлардан иборат бўлади, кафедра баённомаси билан ўқув тусдаги тадбирлар кафедра профессор-ўқитувчилари ўртасида тақсимланади. Кафедра томонидан профессор-ўқитувчилар ўртасидаги аудитория (контакт) соатлар ҳажми тақсимооти бошқа турдаги ўқув тусдаги тадбирлар билан 30% гача ўзгартирилишига рухсат этилади.

Кафедра томонидан фахрий профессорлар кафедра баённомаси билан Ўқув-услубий кенгашга тақдим қилинади, Ўқув-услубий кенгаш томонидан кўриб чиқилиб Университет Кенгашига тавсия этилади ва Университет Кенгаши томонидан тасдиқланади.

Магистратура мутахассисликларида дарс машғулотлари илмий даража ва ёки илмий унвонга, хорижий давлат университети дипломига эга, амалиётчи мутахассис ёки катта ўқитувчи томонидан олиб борилиши тавсия этилади.

Ўқув юкламаси бўйича ҳисобланган соатлар ҳажми ТДЮУнинг штат бирликлари сонини ҳамда профессор-ўқитувчиларнинг ойлик маошларини белгилаш учун асос бўлмайди.

Штат бирликлари профессор-ўқитувчиларнинг талабалар сонига нисбати бўйича, ойлик маоши эса харажатлар сметаси бўйича тегишли норматив-ҳуқуқий ҳужжатлар асосида белгиланади.

Юқоридагилардан келиб чиқиб, ТДЮУ профессор-ўқитувчилари учун 2020/2021 ўқув йили доирасида ўқув тусдаги тадбирларнинг энг кам миқдорини тасдиқлаб беришни кенгаш аъзоларидан сўради.

Раислик этувчи муҳокамани якунлади.

Раислик этувчи мазкур масала юзасидан тайёрланган қарор лойиҳаси бўйича кимда қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ:

1. 2020/2021 ўқув йили учун ўқув тусдаги тадбирлар ва уларнинг соатлар энг кам миқдорини белгилаш тўғрисидаги Ўқув-услубий бошқарма бошлиғи А.Тошпулатовнинг ахбороти маълумот ва ижро учун қабул қилинсин.

2. ТДЮУда ўқув тусдаги тадбирлар рўйхати 3-иловага мувофиқ тасдиқлансин.

3. Кафедранинг ўқув тусдаги тадбирлари ва уларнинг соатлари 2020/2021 ўқув йилида қуйидагича белгилансин:

ўқув (маъруза, амалий, семинар ва лаборатория) машғулотларини ўтказиш учун – 1 соат; бунда маъруза, семинар ва амалий машғулотлари 1 контакт соати (50 – 60 дақиқа)га тенг.

маслаҳатлар ўтказиш:

битта фанга (битта поток учун) кафедрадан масъул ўқитувчига (модул раҳбари) ҳафтасига 6 соат,

масъул бўлмаган ўқитувчи учун ҳар бир семинар гуруҳи учун ҳафтасига 1 соат;

масофавий таълим доирасида ҳар бир фан бўйича масъул ўқитувчи учун ҳафтасига 6 соат (алоҳида масофавий таълим бўйича талабалар ўқишга қабул қилинган тақдирда).

маъруза ва семинар (амалий) машғулотларига тайёргарлик кўриш – жами контакт соатларининг 20% миқдорида;

ёзма иш шаклида оралиқ ва якуний назоратларни текшириш – ҳар бир талаба учун – 0,5 соатдан (бунда текширилган оралиқ назорат ёзма иши ва якуний назорат ёзма ишининг ҳар бирига алоҳида 0,5 соат ажратилади).

бошқар турдаги оралиқ назорат учун – 0,2 соат;

бакалавриат талабалари амалиётига раҳбарлик қилиш, уларнинг ҳисоботларини текшириш ва қабул қилиш, амалиёт бўйича ҳисоботларни текшириш ва баҳолаш – ўқув амалиётига раҳбарлик қилиш бир иш кунига – 6 соат;

бакалавриат талабаларининг битирув малакавий ишига раҳбарлик қилиш, хулосалар ёзиш – бир ўқув йилига ҳар бир талаба учун – 25 соат

(бунда ҳар бир профессор-ўқитувчига 4 тагача битирув малакавий ишига раҳбарлик қилишга рухсат берилади. Академик ва фахрий профессорлар бундан мустасно);

магистратура талабасининг илмий тадқиқот иши ва магистрлик диссертациясига илмий маслаҳатчилик қилиш – бир ўқув йилига битта талаба учун – 50 соат (бунда фан доктори / профессорга 5 тагача магистрант, фан номзоди / доцентга – 3 тагача магистрант бириктирилиши мумкин);

ТДЮУ докторантига илмий маслаҳатчилик қилиш:

– бир нафар докторант учун бир ўқув йилида – 50 соат;

– бир нафар мустақил изланувчи учун бир ўқув йилида – 10 соат.

(бунда 3 та докторант ва 5 тагача мустақил изланувчи соати ҳисобга олинади);

якуний назорат ёзма имтиҳонларида назоратчи сифатида иштирок этиш – битта фан бўйича аудитория раҳбари ёки кузатувчиси сифатида иштирок этганлик учун – 2 соат;

ҳар бир профессор-ўқитувчига бир ўқув йилида ўртача 10 маротабагача назоратчиликда иштирок этиш бириктирилиши мумкин.

талабалар билимини аниқлаш бўйича назорат турлари (оралиқ ва якуний назорат) учун мантиқий саволлар, муаммоли масалалар (казуслар), иш юритиш ҳужжатларини мустақил тузишга қаратилган вазифалар ишлаб чиқиш – 1 та муаммоли вазият (казус) учун 2 соат, 1 та мантиқий савол учун – 0,5 соат;

фаннинг электрон модуль папкасини яратиш – фаннинг битта электрон модуль папкаси учун – 60 соат, мавжуд электрон модуль папкани янгилаш учун – 12 соат;

фан бўйича ўқув дастурини ишлаб чиқиш – битта янги фан ўқув дастури учун – 12 соат, мавжуд фан дастурини янгилаш учун – 6 соат;

Тошкент давлат юридик университети Юридик клиникаси фаолиятида иштирок этиш – ўқув йилида бир кафедра учун 100 соат (бир семестр учун 50 соат);

якуний давлат аттестациясини ўтказиш – ёзма иш шаклида бир поток (академ гуруҳ) учун – 3 соат, оғзаки шаклда битта талаба учун – 0,2 соат, ижодий ишларда битта талаба учун – 0,3 соат, ёзма иш (ижодий иш)ни текшириш учун ҳар бир ишга – 0,2 соат, тест шаклида битта академ гуруҳ учун – 1 соат. Якуний давлат аттестация комиссияси раисига комиссиянинг битта аъзоси учун бериладиган жами соатга қўшимча равишда 20% қўшилади.

Якуний давлат аттестацияси комиссияси таркибини олдиндан аниқлаш имконияти бўлмаган тақдирда, комиссияси аъзолари (кузатувчи профессор-ўқитувчи)га комиссия ўз ишини тугатгандан сўнг, соатбай ҳақ тўланади.

Соатбай иш тури профессор-ўқитувчининг йиллик шахсий иш режасига киритилмайди.

Профессор-ўқитувчининг йиллик шахсий иш режаси ТДЮУ кенгаши томонидан белгиланган ўқув тусдаги тадбирлар ва уларнинг соатларидан келиб чиққан ҳолда расмийлаштирилади.

4. ТДЮУ профессор-ўқитувчилар учун 2020/2021 ўқув йили доирасида ўқув тусдаги тадбирларнинг энг кам миқдори қуйидагича белгилансин:

– Кафедра мудири / фан доктори / профессор – 20 кредит, жами 500 соат, ундан 200 соати аудитория (контакт) соат.

– Фан номзоди / доцент / катта ўқитувчи – 25 кредит, жами 625 соат, ундан 250 соати аудитория (контакт) соат.

– Ўқитувчи – 30 кредит, жами 750 соат, ундан 300 соати аудитория (контакт) соат.

– Академик / фахрий профессор – 16 кредит, жами 400 соат, аудитория (контакт) соати белгиланмаслиги мумкин.

5. ТДЮУ профессор-ўқитувчиларнинг 2020/2021 ўқув йили доирасида ўқув юкламаларини ҳисоблашда қуйидагиларга риоя қилиниши белгилаб қўйилсин:

профессор-ўқитувчиларнинг ўқув йили доирасидаги ўқув юкламаси ўқув тусдаги тадбирлардан иборат бўлади;

профессор-ўқитувчилари ўртасида тақсимланган ўқув йили доирасидаги ўқув юкламаси кафедра баённомаси билан расмийлаштирилади;

кафедра томонидан профессор-ўқитувчилар ўртасидаги аудитория (контакт) соатлар ҳажми тақсимооти бошқа турдаги ўқув тусдаги тадбирлар билан 30% гача ўзгартирилишига рухсат этилади;

фахрий профессорлар номзодлари кафедра томонидан кафедра баённомаси билан Ўқув-услубий кенгашга тақдим қилинади. Ўқув-услубий кенгаш томонидан кўриб чиқилган мазкур номзодлар, ТДЮУ Кенгашига тавсия этилади ва тасдиқланади;

магистратура мутахассисликларида дарс машғулоти илмий даража ва / ёки илмий унвонга, хорижий давлат университети дипломига эга, шунингдек амалиётчи мутахассис ёки катта ўқитувчи томонидан олиб борилиши тавсия этилади;

ўқув юкламаси бўйича ҳисобланган соатлар ҳажми ТДЮУнинг штат бирликлари сонини ҳамда профессор-ўқитувчиларнинг ойлик маошларини белгилаш учун асос бўлмайди;

штат бирликлари профессор-ўқитувчиларнинг талабалар сонига нисбати бўйича, ойлик маоши эса харажатлар сметаси бўйича тегишли норматив-ҳуқуқий ҳужжатлар асосида белгиланади.

6. Ўқитишнинг кредит-модуль тизими ўзига хос хусусиятларидан келиб чиққан ҳолда ТДЮУда ўқув тусдаги тадбирлар ва уларнинг соатлар миқдорини қайд этиш учун 4-иловага мувофиқ профессор-ўқитувчининг йиллик шахсий иш режасининг шакли тасдиқлансин.

7. Кафедра мудирлари:

профессор-ўқитувчилар ўртасида ўқув тусдаги тадбирлар ва уларнинг соатларини профессор-ўқитувчилар учун белгиланган 2020/2021 ўқув йили доирасида ўқув тусдаги тадбирларнинг энг кам миқдорига асосланган ҳолда тақсимлаш чораларини кўрсин;

юқорида қайд этилган ўқув тусдаги тадбирлар ва уларнинг соатларидан келиб чиққан ҳолда профессор-ўқитувчилар томонидан профессор-ўқитувчининг йиллик шахсий иш режаси тўғри расмийлаштирилишини таъминласин;

2020 йилнинг 15 сентябрига қадар профессор-ўқитувчининг йиллик шахсий иш режасини расмийлаштириш ишларини якунласин ва факультет деканати томонидан умумлаштирилган ҳамда тасдиқланган ҳолда Ўқув-услубий бошқармага тақдим этилиши таъминлансин.

8. Факультет деканлари профессор-ўқитувчининг йиллик шахсий иш режасида назарда тутилган ўқув тусдаги тадбирларнинг тегишли кафедра профессор-ўқитувчилари томонидан сифатли ва белгиланган муддатларда бажарилишини назорат қилсин.

9. Мазкур қарорнинг бажарилишини назорат қилиш Ўқув ишлари бўйича проректор И.Рустамбеков зиммасига юклансин.

Кун тартибдаги тўртинчи масала – Бакалавриат таълим йўналиши ва магистратура мутахассисликлари бўйича тайёрланган малака талаблари ва ўқув дастурларини тасдиқлаш бўлиб, ушбу масала юзасидан Ўқув-услубий бошқарма бошлиғи А.Тошпулатовнинг ахбороти эшитилди.

Мазкур масала юзасидан бошқарма бошлиғи А.Тошпулатов сўзга чиқиб, Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ–5987-сон Фармонида мувофиқ Тошкент давлат юридик университетида (кейинги ўринларда ТДЮУ) ўқитишнинг кредит-модуль тизими жорий этилгани, Ўзбекистон Республикаси Президентининг 2017 йил 28 апрелдаги “Тошкент

давлат юридик университетида кадрлар тайёрлаш тизимини тубдан такомиллаштириш ва самарадорлигини ошириш чора-тадбирлари тўғрисида”ги ПҚ–2932-сон қарорининг 6-бандига асосан ТДЮУ битирувчиларига нисбатан малака талаблари, ўқув режа ва ўқув дастурларини мустақил равишда ишлаб чиқиш ва тасдиқлаш ҳукуқи берилганини қайд этди.

Ўзбекистон Республикаси Президентининг 2020 йил 12 июндаги “2020/2021 ўқув йилида Ўзбекистон Республикасининг олий таълим муассасаларига ўқишга қабул қилишнинг давлат буюртмаси параметрлари тўғрисида”ги ПҚ–4749-сон қарорига мувофиқ 2020/2021 ўқув йилидан бошлаб ТДЮУда “Давлат-ҳуқуқий фаолият”, “Жиноят-ҳуқуқий фаолият”, “Фуқаролик ва бизнес ҳукуқи”, “Халқаро ҳуқуқ ва қиёсий ҳуқуқшунослик” номли 5240100 – Юриспруденция таълим йўналиши фаолият турлари ташкил этилгани, шунингдек 5A240101 – Адвокатлик фаолияти, 5A240102 – Халқаро арбитраж ва низоларни ҳал этиш, 5A240107 – Спорт ҳукуқи, 5A240108 – Давлат бошқаруви ҳукуқи, 5A240110 – Бизнес ҳукуқи, 5A240115 – Меҳнат ҳукуқи, 5A240116 – Жиноят қонунчилигини қўллаш назарияси ва амалиёти, 5A240127 – Интеллектуал мулк ва ахборот технологиялари ҳукуқи магистратура мутахассисликлари бўйича талабаларни қабул қилиш режалаштирилгани, шунга кўра “Давлат-ҳуқуқий фаолият”, “Жиноят-ҳуқуқий фаолият”, “Фуқаролик ва бизнес ҳукуқи”, “Халқаро ҳуқуқ ва қиёсий ҳуқуқшунослик” номли 5240100 – Юриспруденция таълим йўналиши фаолият турлари бўйича таълим профиллари ва малака талаблари, 5A240101 – Адвокатлик фаолияти, 5A240102 – Халқаро арбитраж ва низоларни ҳал этиш, 5A240107 – Спорт ҳукуқи, 5A240108 – Давлат бошқаруви ҳукуқи, 5A240110 – Бизнес ҳукуқи, 5A240115 – Меҳнат ҳукуқи, 5A240116 – Жиноят қонунчилигини қўллаш назарияси ва амалиёти, 5A240127 – Интеллектуал мулк ва ахборот технологиялари ҳукуқи магистратура мутахассисликлари бўйича малака талаблари ишлаб чиқилганини қайд этди.

Мазкур малака талабаларни ишлаб чиқишда кадрлар истеъмолчилари томонидан талабалар эгаллаши лозим бўлган касбий малака ва кўникмалар бўйича берилган таклифлардан фойдаланилгани, 2020/2021 ўқув йили мобайнида дарс машғулотлари олиб бориладиган асосий ва танлов фанлардан жами 174 та шундан бакалавриат таълим йўналишининг 105 та асосий ва танлов фанлари ва магистратура мутахассисликларининг 69 асосий ва танлов фанлари бўйича фанларнинг ўқув дастурлари хорижий олий таълим муассасаларининг тажрибаси ва кадрлар истеъмолчилари талабларини инобатга олган ҳолда ишлаб чиқилганини қайд этди.

Шунингдек, 2020/2021 ўқув йилидан М.С.Нарикбаев номидаги Қозоғистон гуманитар-юридик академияси (Қозоғистон) ва Янка Купала номидаги Гродно давлат университети (Беларусь) билан ҳамкорликда бакалавриат таълим йўналиши бўйича қўшма таълим дастурлари жорий этилди. Шу муносабат билан, М.С.Нарикбаев номидаги Қозоғистон гуманитар-юридик университети (Қозоғистон) ва Янка Купала номидаги Гродно давлат университети (Беларусь) билан ҳамкорликда ташкил қилинган бакалавриат таълим йўналиши бўйича қўшма таълим дастурлари учун малака талаблари ишлаб чиқилди.

Юқоридагилардан келиб чиқиб, бакалавриат таълим йўналиши ва магистратура мутахассисликлари бўйича тайёрланган малака талаблари ва 2020/2021 ўқув йилида бакалавриат таълим йўналиши ва магистратура мутахассисликлари ўтиладиган барча фанлардан тайёрланган ўқув дастурларини тасдиқлаб беришни кенгаш аъзоларидан сўради.

Раислик этувчи муҳокамани якунлади.

Раислик этувчи мазкур масала юзасидан тайёрланган қарор лойиҳаси бўйича кимда қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ:

1. Бакалавриат таълим йўналиши ва магистратура мутахассисликлари бўйича тайёрланган малака талаблари ва ўқув дастурларини тасдиқлаш тўғрисида Ўқув-услугий бошқарма бошлиғи А.Тошпулатов ахбороти маълумот учун қабул қилинсин.

2. “Давлат-ҳуқуқий фаолият”, “Жиноят-ҳуқуқий фаолият”, “Фуқаролик ва бизнес ҳуқуқи”, “Халқаро ҳуқуқ ва қиёсий ҳуқуқшунослик” номли 5240100 – Юриспруденция таълим йўналиши фаолият турлари ва 5A240101 – Адвокатлик фаолияти, 5A240102 – Халқаро арбитраж ва низоларни ҳал этиш, 5A240107 – Спорт ҳуқуқи, 5A240108 – Давлат бошқаруви ҳуқуқи, 5A240110 – Бизнес ҳуқуқи, 5A240115 – Меҳнат ҳуқуқи, 5A240116 – Жиноят қонунчилигини қўллаш назарияси ва амалиёти, 5A240127 – Интеллектуал мулк ва ахборот технологиялари ҳуқуқи магистратура мутахассисликлари, шунингдек М.С.Нарикбаев номидаги Қозоғистон гуманитар-юридик университети (Қозоғистон) ва Янка Купала номидаги Гродно давлат университети (Беларусь) билан ҳамкорликда ташкил қилинган бакалавриат таълим йўналиши бўйича қўшма таълим дастурлари учун малака талаблари ҳамда 2020/2021 ўқув йилида бакалавриат таълим

йўналиши ва магистратура мутахассисликлари ўтиладиган фанлардан тайёрланган ўқув дастурлари ҳамда “Давлат-ҳуқуқий фаолият”, “Жиноят-ҳуқуқий фаолият”, “Фуқаролик ва бизнес ҳуқуқи”, “Халқаро ҳуқуқ ва қиёсий ҳуқуқшунослик” номли 5240100 – Юриспруденция таълим йўналиши фаолият турлари учун тайёрланган таълим профиллари тасдиқлансин.

3. Ўқув-услубий бошқарма бошлиғи А.Тошпулатов ва курс деканлари бакалавриат таълим йўналиши ва магистратура мутахассисликлари малака талаблари ва ўқув дастурлари асосида ўқув жараёнининг ташкил этилишини назорат қилсин.

4. Кафедра мудирлари кафедра профессор-ўқитувчилари томонидан бакалавриат таълим йўналиши ва магистратура мутахассисликлари бўйича малака талаблари ва ўқув дастурлари асосида дарс машғулотлари олиб борилишини таъминласин.

5. Мазкур қарорнинг бажарилишини назорат қилиш проректор И.Рустамбеков зиммасига юклансин.

Кун тартибидаги бешинчи масала – Талабаларнинг хорижий олий таълим муассасасида ўқиган даври ва ўзлаштирган фанларини университет ўқув режаси ва дастурларининг тегишли қисмларини ўзлаштирган сифатида қабул қилиш бўлиб, ушбу масала юзасидан Ўқув-услубий бошқарма бошлиғи А.Тошпулатовнинг ахбороти эшитилди.

Мазкур масала юзасидан бошқарма бошлиғи А.Тошпулатов сўзга чиқиб, Ўзбекистон Республикаси Вазирлар Маҳкамасининг 2017 йил 20 июндаги 393-сон қарори билан тасдиқланган Олий таълим муассасалари талабалари ўқишини кўчириш, қайта тиклаш ва ўқишдан четлаштириш тартиби тўғрисидаги низомнинг 11-бандига асосан Тошкент давлат юридик университетида таҳсил олаётган талабалар иккинчи курсдан бошлаб ўқишнинг бир ўқув йилигача бўлган муддатни хорижий олий таълим муассасасининг юриспруденция йўналишида ўқиш ҳуқуқига эгаллиги белгилангани, шунингдек мазкур бандга мувофиқ талабанинг хорижий олий таълим муассасасида ўқиган даври ва ўзлаштирган фанлари хорижий олий таълим муассасаси маълумотномаси асосида университет Кенгаши томонидан университет ўқув режаси ва дастурларининг тегишли қисмларини ўзлаштирганлиги сифатида қабул қилиниши ва талабага ўқишини тегишли ўқув семестридан давом эттириш ҳуқуқи берилиши мумкинлигини қайд этди.

Тошкент давлат юридик университетининг 3-курс “Давлат-ҳуқуқий фаолият” соҳа мутахассислиги 5-гуруҳ талабаси **Файзуллаев Умиджон Алтибоевич** ва 3-курс “Давлат-ҳуқуқий фаолият” соҳа мутахассислиги

2-гуруҳ талабаси **Истамова Дилафруз Ойбек қизи** 2020 йилнинг 1 февралдан 1 июлига қадар (2019/2020 ўқув йили баҳорги семестри) Гданск университети (Польша)да ўқишини давом эттиргани, Гданск университетида юборилган маълумотномаларда талабалар У.Файзуллаев ва Д.Истамова Гданск университетида ўқиган даврида 3 та фан: “Philosophy of Law: Hard Cases” (4 кредит), “Selected Problems of Administrative Law in Europe” (4 кредит), “Selected Problems of Private Law in Europe” (4 кредит) фанларини ўқигани, талабалар У.Файзуллаев ва Д.Истамова Тошкент давлат юридик университети 3-курс ўқув режасидаги “Ўқуқни тадқиқ қилиш методлари” фанидан 5 кредит ва “Маъмурий суд иш юритуви” фанидан 5 кредит тўплагани ва мазкур фанларнинг дастурларини ўзлаштирган сифатида қабул қилиниши ҳамда уларга ўқишини тегишли ўқув семестридан давом эттириш ҳуқуқи берилиши мақсадга мувофиқлигини қайд этди.

Шу билан бирга, Тошкент давлат юридик университети 3-курс ўқув режаси билан талабалар У.Файзуллаев ва Д.Истамованинг Гданск университетида ўқиган фанлари солиштирилганда қуйидаги фанлардан фарқлар мавжудлиги аниқлангани: “Солиқ ҳуқуқи” фанидан 5 кредит, “Меҳнат ҳуқуқи” фанидан 5 кредит, “Ўқуқни қўллаш кўникмалар” фанидан 5 кредит, “Юристарлар учун хорижий тил” фанидан 5 кредит тўплаши ҳамда мазкур фанлардан фарқларни жорий йилнинг 30 августига қадар ёзма иш шаклида топшириши лозимлигини қайд этди.

Юқоридагилардан келиб чиқиб, талабалар У.Файзуллаев ва Д.Истамоваларнинг Гданск университетида ўзлаштирган фанлари ва ТДЮУда фарқли фанларни топшириш тартибини тасдиқлаб беришни кенгаш аъзоларидан сўради.

Раислик этувчи муҳокамани якунлади.

Раислик этувчи мазкур масала юзасидан тайёрланган қарор лойиҳаси бўйича кимда қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ:

1. Талабаларнинг хорижий олий таълим муассасасида ўқиган даври ва ўзлаштирган фанларини университет ўқув режаси ва дастурларининг тегишли қисмларини ўзлаштирган сифатида қабул қилиш тўғрисидаги Ўқув-услугий бошқарма бошлиғи А.Тошпулатовнинг ахбороти маълумот ва ижро учун қабул қилинсин.

2. Гданск университети (Полша)да 2020 йилнинг 1 февралидан 1 июлига қадар таҳсил олган ва “Philosophy of Law: Hard Cases” (4 кредит), “Selected Problems of Administrative Law in Europe” (4 кредит), “Selected Problems of Private Law in Europe” (4 кредит) фанларини ўзлаштирган университетнинг 3-курс “Давлат-ҳуқуқий фаолият” соҳа мутахассислиги 5-гуруҳ талабаси **Файзуллаев Умиджон Алтибоевич** ва 3-курс “Давлат-ҳуқуқий фаолият” соҳа мутахассислиги 2-гуруҳ талабаси **Истамова Дилафруз Ойбек қизи** Тошкент давлат юридик университети 3-курс ўқув режасидаги “Ҳуқуқни тадқиқ қилиш методлари” фанидан 5 кредит ва “Маъмурий суд иш юритуви” фанидан 5 кредит тўплаган ва мазкур фанларнинг дастурларини ўзлаштирган сифатида қабул қилинсин ҳамда уларга ўқишини тегишли ўқув семестридан давом эттириш ҳуқуқи берилсин.

3. Талабалар У.Файзуллаев ва Д.Истамова 3-курс ўқув режасидаги “Солиқ ҳуқуқи” фанидан 5 кредит, “Меҳнат ҳуқуқи” фанидан 5 кредит, “Ҳуқуқни қўллаш кўникмалар” фанидан 5 кредит, “Юристарлар учун хорижий тил” фанидан 5 кредит тўплаши ҳамда мазкур фанлардан фарқларни жорий йилнинг 30 августига қадар **ёзма иш шаклида** топшириши белгилансин.

4. Ўқув-услубий бошқарма (А.Тошпулатов):

талабалар У.Файзуллаев ва Д.Истамованинг ўқув режада назарда тутилган кредит тўпланмаган фанлардан фарқларини Тошкент давлат юридик университети кенгашининг 2020 йил 3 апрелдаги 5-сон йиғилиши баёни билан тасдиқланган Карантинга оид чоралар амал қилиш даврида Тошкент давлат юридик университетида талабалар модуль бўйича ўқув дастурларини ўзлаштирганлик даражаларини аниқлаш тартибига мувофиқ масофий шаклда топшириши бўйича тегишли чораларни амалга оширсин;

ёзма иш шаклида ўтказилган фанлардан фарқларни топшириш натижаси бўйича тўпланган кредитлар Оммавий ҳуқуқ факультети деканати (Ш.Сайдуллаев) ва талабалар У.Файзуллаев ва Д.Истамованинг эътиборига етказсин;

талабалар У.Файзуллаев ва Д.Истамова белгиланган муддатда ўқув режадаги фанлардан фарқларни топшира олмасдан етарлича кредит тўплай олмаганда уларга 10 кун муддатда бир маротаба қайта топширишларни ташкил этсин.

5. Оммавий ҳуқуқ факультети деканати (Ш.Сайдуллаев) талабалар У.Файзуллаев ва Д.Истамова билан боғлиқ тегишли ҳужжатларни расмийлаштириш чораларини кўрсин.

6. Мазкур қарорнинг бажарилишини назорат қилиш проректор И.Рустамбеков зиммасига юклансин.

Кун тартибидаги олтинчи масала – Карантинга оид чоралар амал қилиш даврида Тошкент давлат юридик университетида талабалар модуль бўйича ўқув дастурларини ўзлаштирганлик даражаларини аниқлаш тартибини тасдиқлаш бўлиб, ушбу масала юзасидан Ўқув-услубий бошқарма бошлиғи А.Тошпулатовнинг ахбороти эшитилди.

Мазкур масала юзасидан бошқарма бошлиғи А.Тошпулатов сўзга чиқиб, Тошкент давлат юридик университетида талабалар модуль бўйича ўқув дастурларини ўзлаштирганлик даражаларини аниқлаш тартиби (бундан буён матнда Вақтинчалик тартиб деб юритилади) Ўзбекистон Республикаси Президентининг 2020 йил 19 мартдаги “Коронавирус пандемияси ва глобал инқироз ҳолатларининг иқтисодий тармоқларига салбий таъсирини юмшатиш бўйича биринчи навбатдаги чора-тадбирлар тўғрисида”ги ПФ-5969-сон Фармони, Вазирлар Маҳкамасининг 2020 йил 23 мартдаги “Коронавирус инфекцияси тарқалишига қарши қўшимча чора-тадбирлар тўғрисида”ги 176-сон қарори, Ўзбекистон Республикасига коронавируснинг кириб келиши ва тарқалишини олдини олиш юзасидан чора-тадбирлар дастурини тайёрлаш бўйича республика махсус комиссияси йиғилишининг 11-сон баёни ҳамда Ўзбекистон Республикаси Олий ва ўрта махсус таълим вазирининг 2020 йил 27 мартдаги 233-сон буйруғи ҳамда Ўзбекистон Республикаси Адлия вазирлиги ва Олий ва ўрта махсус таълим вазирлигининг 2020 йил 3 апрелдаги “Карантинга оид чоралар амал қилиш даврида Ўзбекистон Республикаси Адлия вазирлиги тизимидаги таълим муассасаларида ўқув жараёнини масофавий шаклда самарали ташкил этиш чоралари тўғрисида”ги 22/1-1/1488, 26Қ/Қ-сон қўшма қарори ижросини таъминлаш мақсадида ишлаб чиқилгани, Вақтинчалик тартиб коронавирус инфекцияси туфайли карантин даврида Тошкент давлат юридик университети (бундан буён матнда университет деб юритилади)да талабалар модуллар бўйича ўқув дастурларини ўзлаштирганлик даражалари, жумладан уларнинг билимини назорат қилиш ва баҳолаш, амалиёт ва стажировка ўташни ташкил этиш ва баҳолаш тартибини белгилашини қайд этди.

Юқоридагилардан келиб чиқиб, Карантинга оид чоралар амал қилиш даврида Тошкент давлат юридик университетида талабалар модуль бўйича ўқув дастурларини ўзлаштирганлик даражаларини аниқлаш тартибини кенгаш аъзоларидан тасдиқлаб беришни сўради.

Шунингдек, янги 2020/2021 ўқув йили дарс машғулоти ўқув режага мувофиқ 2 сентябрдан бошланиши ҳамда 2021 йил июнь ойида тугалланиши таъкидланиб. Сентябрь ойининг биринчи ҳафтаси (2-5-сентябрь) танишув ҳафтаси эканлиги, бунда дарс машғулоти ўтказилмаслиги, талабалар кредит-модуль тизими билан таништирилиши, танлов фанлари ва

ўқитувчиларни танлаши ҳамда шу асосда дарс жадвали шакллантирилиши, бевосита дарс машғулотлари 7 сентябрдан бошланиши, ҳар семестрда 2 ҳафтадан мустақил танишув ҳафталиги назарда тутилган бўлиб, бунда талабаларга дарс мағулотлари ўтказилмаслиги таъкидланди.

Коронавирус пандемияси билан киритилган чекловлар туфайли 1-курс ва магистратурага қабул учун кириш имтиҳонлари сентябрь ойида ўтказилиши, натижада сентябрь ойида бакалаврият 2-4-курс талабалари учун дарс машғулотлари ўтказилиши, бакалаврият 1-курс ҳамда магистратура талабалари учун октябрь ойидан дарс машғулотлари бошланиши дарс жараёни графигига тегишли ўзгартиришлар киритишни тақозо этмоқдалиги кўрсатилди.

Шу муносабат билан, бакалаврият 1-курс ва магистратура талабалари учун сентябрь ойидаги 4 ҳафталик дарс машғулотлари октябрь ва ноябрь ойидаги мустақил таълим ҳафталари ва январь ойидаги таътилнинг иккинчи ҳафтаси ва аттестациясининг биринчи ҳафтаси ҳисобига ўтилишини белгилаш таклиф этилиши, ушбу таклиф маъқулланса, бакалаврият 1-курс ва магистратура талабалари учун ҳам 2020/2021 ўқув йили графигини 2021 йил июнь ойида тугатилиши кўрсатиб ўтилди.

Юқоридагилардан келиб чиқиб, кенгаш аъзоларидан 2020/2021 ўқув йили учун ўқув жараёни графиги тасдиқлаб беришни сўради.

Раислик этувчи муҳокамани якунлади.

Раислик этувчи мазкур масала юзасидан тайёрланган қарор лойиҳаси бўйича қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ:

1. “Қарантинга оид чоралар амал қилиш даврида Тошкент давлат юридик университетида талабалар модуль бўйича ўқув дастурларини ўзлаштирганлик даражаларини аниқлаш тартиби” тўғрисида Ўқув-услугий бошқарма бошлиғи А.Тошпулатов ахбороти маълумот учун қабул қилинсин.

2. “Қарантинга оид чоралар амал қилиш даврида Тошкент давлат юридик университетида талабалар модуль бўйича ўқув дастурларини ўзлаштирганлик даражаларини аниқлаш тартиби” 5-иловага мувофиқ тасдиқлансин.

3. Масофавий таълим шаклида ўқитиш йўлга қўйилганлиги муносабати билан профессор-ўқитувчиларнинг ўқув тусдаги тадбирлардан иборат юкламаларини бажарганлиги электрон ўқув ресурсларини тайёрлаганлиги,

уларни электрон платформаларга киритганлиги, талабалар билан дарс машғулоти ўтказганлигини (кенг тарқалган таълим платформалари ва ижтимоий тармоқлар (электрон почта, telegram, youtube ва ҳ.к.)дан ҳамда <http://distant.tsul.uz> ва шу каби платформалардан фойдаланилган ҳолда) тасдиқловчи материалларни семестр охирида тақдим қилиши асосида университет Ўқув-услубий кенгаши қарори билан тасдиқланиши белгилансин.

4. ТДЮУ кенгашининг 2020 йил 3 апрелдаги йиғилишида тасдиқланган “Карантинга оид чоралар амал қилиш даврида Тошкент давлат юридик университетида талабалар модуль бўйича ўқув дастурларини ўзлаштирганлик даражаларини аниқлаш тартиби” ўз кучини йўқотган деб топилсин.

5. Мазкур қарорнинг бажарилишини назорат қилиш проректор И.Рустамбеков зиммасига юклансин.

Кун тартибидagi еттинчи масала – Тошкент давлат юридик университетида таълимнинг кредит-модуль тизими тўғрисидаги тартибни тасдиқлаш бўлиб, ушбу масала юзасидан Ўқув-услубий бошқарма бошлиғи А.Тошпулатовнинг ахбороти эшитилди.

Мазкур масала юзасидан бошқарма бошлиғи А.Тошпулатов сўзга чиқиб, Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ–5987-сон Фармонида мувофиқ Тошкент давлат юридик университетида (кейинги ўринларда ТДЮУ) ўқитишнинг кредит-модуль тизими жорий этилгани, университетда таълимнинг ECTS тизимига асосланган кредит-модуль тизимини жорий этиш мақсадида ушбу Тартиб ишлаб чиқилганини қайд этди.

Мазкур тартибга мувофиқ ТДЮУда ўқув жараёни ECTSGa мувофиқ кредит-модуль тизими асосида ташкил қилиш мақсади ва вазифалари, таълим дастури тузилмаси, ўқув юкламаларини ҳисоблаш, ўқув жараёнини режалаштириш, мониторинги ва таълим сифатини таъминлаш, академик мобиллик ва кредитларни тан олиш, баҳолаш, баҳоларни конвертация қилиш, талабаларни ўқишдан четлаштириш, қайта тиклаш, курсдан-курсга ўтказиш механизмлари аниқлаштирилишини ва ТДЮУда ўқув юкламаларини ҳисоблаш қуйидагиларга асосланишини қайд этди:

1 та дарс машғулоти 10 дақиқа танаффус билан бирга 60 дақиқага (1 соат) тенг;

ECTS бўйича 1 кредит 25 соат, ундан 10 контакт (аудитория соати) ва 15 мустақил таълим соатига тенг;

бакалавриат таълим йўналишларида ўқув юкламаси умумий ҳажми камида 180 (уч йил муддатли ўқиш даврийлигида) ва 240 (тўрт йил муддатли ўқиш даврийлигида) кредитдан иборат;

магистратура мутахассисликларида ўқув юкламаси умумий ҳажми мутахассислик ва ўқиш даврийлигига мувофиқ равишда камида 60, 90 ёки 120 кредитни ташкил қилади.

Талабанинг бир семестрда ўзлаштириши керак бўлган кредитлари миқдори максимал 35 кредитни, минимал 20 кредитни ташкил қилади. Айрим ҳолатларда ТДЮУ Кенгаши қарори билан бир семестрда ўқув юкламаси ҳажми кредитларнинг бошқача миқдорида белгиланиши мумкин.

Талаба белгиланган муддатда тегишли кредитларни тўплай олмаган тақдирда унга таълим олганлиги тўғрисида маълумотнома берилади. Бакалавриат талабаларига 8 йил давомида, магистратура талабаларига 3 йил давомида кредитларни ўзлаштиришга имкон берилади, ушбу муддатлар ўтганидан кейин ҳам тегишли кредитлар тўплай олинмаса, ушбу даврга қадар тўпланган кредитлар бекор қилинишини қайд этди.

Семестр давомида талаба томонидан ўзлаштирилиши лозим бўлган синов бирлигининг ҳажми ўқув режада кўрсатилган мажбурий ва танлов фанларни ўз ичига олади. Ўқув йили давомийлиги 41 ҳафтагача бўлиб, шундан 28 ҳафтаси академик давр, 13 ҳафтаси мустақил таълим ва якуний назоратдан иборат бўлади. Таълим олувчи учун бир ECTS кредитнинг соатлардаги миқдори 25-30 соатни ташкил этади ва иш ҳажми бакалавриатда – 40%гача аудитория соати, 60% гача мустақил таълим соатига, магистратурада – 30%-40%гача аудитория соати, 60-70% мустақил таълим соатига (малакавий амалиёт ва битирув малакавий ишлари бундан мустасно) бўлинади.

Фан дастурида (силлабусда) белгиланган баҳолаш тартибига мувофиқ ижобий баҳолар доирасида баҳоланган таълим олувчиларга кредитлар берилади. Талаба белгиланган таълим олиш натижаларига эриша олмаган тақдирда, кредитлар берилмайди.

Тартибда талабаларни ўқишдан четлаштириш, қайта тиклаш, курсдан-курсга ўтказиш механизмлари ҳам назарда тутилмоқда. Унга мувофиқ, эндиликда талабанинг дарс қолдирганлиги учун талабалар сафидан четлаштирилмайди.

Бир фанга ажратилган аудитория соатидан 25% ва ундан ортиқ соатини сабабсиз қолдирган талаба ушбу фандан четлаштирилиб, якуний назоратга киритилмайди. Қарздор талабалар таътил вақтида ёки семестр мобайнида ўз

ҳисобидан қайта ўқиш ҳуқуқига эга. Яқуний назоратдан ўта олмаган талабаларга таътил вақтида ёки семестр мобайнида 1 маротаба бепул қарздорликни топширишга рухсат этилади, сабабсиз дарс қолдирганлик сабабли кредитни ўзлаштирмаган талабалар бундан мустасно. Шу имкониятдан фойдаланмаган талабалар ўз ҳисобидан қайта ўқиш ҳуқуқига бўлади.

Юқоридагилардан келиб чиқиб, Тошкент давлат юридик университетида таълимнинг кредит-модуль тизими тўғрисидаги Тартибини тасдиқлаб беришни кенгаш аъзоларидан сўради.

Раислик этувчи муҳокамани якунлади.

Раислик этувчи мазкур масала юзасидан тайёрланган қарор лойиҳаси бўйича қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ

1. Тошкент давлат юридик университетида таълимнинг кредит-модуль тизими тўғрисидаги Тартиб ҳақида Ўқув-услубий бошқарма бошлиғи А.Тошпулатовнинг ахбороти маълумот ва ижро учун қабул қилинсин.

2. Тошкент давлат юридик университетида таълимнинг кредит-модуль тизими тўғрисидаги Тартиб 6-иловага мувофиқ тасдиқлансин.

3. Факультет деканлари ўқув жараёнини кредит-модуль тизими асосида ташкил қилинишини таъминласин.

4. Мазкур қарорнинг бажарилишини назорат қилиш Ўқув ишлари бўйича проректор И.Рустамбеков зиммасига юклансин.

Кун тартибидаги саккизинчи масала – Ўзбекистон Республикаси Адлия вазирлигининг юридик техникумлари ўқув режа ва дастур (модул)ларини тасдиқлаш бўлиб, ушбу масала юзасидан Халқаро ҳамкорлик ва узлуксиз таълим бўйича проректор Д.Умаровнинг ахбороти эшитилди.

Мазкур масала юзасидан проректор Д.Умаров сўзга чиқиб, Ўзбекистон Республикаси Президентининг 2018 йил 13 апрелдаги ПҚ–3666-сон “Ўзбекистон Республикаси Адлия вазирлиги фаолиятини янада такомиллаштиришга доир ташкилий чора-тадбирлар тўғрисида”ги қарорига мувофиқ юридик техникумларнинг ўқув-методик жараёнини мувофиқлаштириш, уларга амалий ва ахборот-ресурслари жиҳатдан

кўмаклашиш Тошкент давлат юридик университети томонидан амалга оширилиши бегиланганини қайд этди.

2020/2021 ўқув йилидан бошлаб юридик техникумларга 3 та, яъни Давлат-ҳуқуқий фаолият, Юридик хизмат, Суд-ҳуқуқий фаолият мутахассисликлари бўйича ўқувчилар ўқишга қабул қилиниши, мазкур мутахассисликлар бўйича университетнинг тегишли таркибий бўлимлари билан биргаликда ўқув режа ва дастур (модул)лар ишлаб чиқилгани, ўқув дастурлари асосий фанлар, танлов фанлари, қўшимча кредитлардан иборатлигини қайд этди.

Ўқув режага мувофиқ юридик техникумларда 1-курсда 8 та асосий фанлар ўқитилиши, шундан 2 таси танлов фанлари, бунда ўқувчига 6 та танлов фани ичидан ўзи истаган 2 та фанни ўзлаштиришга имкон берилиши, шу билан бирга, ўқув режада 5 та йўналиш бўйича қўшимча кредит ўзлаштириш имкони берилишини таъкидлади.

Ўқув режага мувофиқ юридик техникумларда 2-курсда 9 та асосий фанлар ўқитилиши, шундан 2 таси танлов фанлари, бунда ўқувчига 8 та танлов фани ичидан ўзи истаган 2 та фанни ўзлаштиришга имкон берилиши, шу билан бирга, ўқув режада 5 та йўналиш бўйича қўшимча кредит ўзлаштириш имкони берилишини қайд этди.

Бундан ташқари, мазкур қарорга мувофиқ 2021/2022 ўқув йилидан бошлаб юридик техникум битирувчилари университетга ҳудудий адлия органларининг йўлланмалари бўйича кириш тест синовларисиз яқка тартибдаги суҳбат ўтказиш орқали бакалаврларни тайёрлашнинг махсус уч йиллик дастури бўйича ва ўқишнинг тугашидан сўнг тақсимотга мувофиқ уч йил давомида узлуксиз ишлаб бериш мажбуриятини олган ҳолда киришга ҳақли эканлигини инобатга олиб, университетнинг 1-курсида ўзлаштираладиган фанларни юридик техникумларнинг 1-курсида тўлиқ ўтилиши, шу билан бирга юридик техникумларнинг ҳар бир ўқув йилида ўқувчи 60 кредитдан ўзлаштирилиши лозимлиги белгиланганини қайд этди.

Юқоридагилардан келиб чиқиб, Ўзбекистон Республикаси Адлия вазирлигининг юридик техникумлари 2020/2021 ўқув йили ўқув режа ва дастур (модул)ларини тасдиқлаб беришни кенгаш аъзоларидан сўради.

Раислик этувчи муҳокамани якунлади.

Раислик этувчи мазкур масала юзасидан тайёрланган қарор лойиҳаси бўйича кимда қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ:

1. Ўзбекистон Республикаси Адлия вазирлигининг юридик техникумлари 2020/2021 ўқув йили ўқув режа ва дастур (модул)ларини тасдиқлаш тўғрисида университетнинг Халқаро ҳамкорлик ва узлуксиз таълим бўйича проректори Д. Умаровнинг ахбороти маълумот учун қабул қилинсин.

2. Ўзбекистон Республикаси Адлия вазирлигининг юридик техникумларининг 2020/2021 ўқув йили ўқув режа ва дастур (модул)лари тасдиқлансин.

3. Университет кенгаши котиби (Б.Норматов) Ўзбекистон Республикаси Адлия вазирлигининг юридик техникумларининг 2020/2021 ўқув йили ўқув режа ва дастур (модул)ларини университетнинг тегишли таркибий бўлимлари, юридик техникумларга маълумот ва ижро етказилишини таъминласин.

4. Ўзбекистон Республикаси Адлия вазирлигининг юридик техникумлари ўқув жараёни тўғри ташкил этилиши устидан назорат проректор Д. Умаров зиммасига юклансин.

Кун тартибдаги тўққизинчи масала – Тошкент давлат юридик университети қошидаги академик лицей тузилмаси, ўқув режа ва дастурларини тасдиқлаш бўлиб, ушбу масала юзасидан Халқаро ҳамкорлик ва узлуксиз таълим бўйича проректор Д.Умаровнинг ахбороти эшитилди.

Мазкур масала юзасидан проректор Д.Умаров сўзга чиқиб, Ўзбекистон Республикаси Президентининг 2020 йил 29 апрелдаги ПФ–5987-сон “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги Фармонига мувофиқ Тошкент давлат юридик университетига таълимнинг узлуксизлиги ва изчиллигини таъминлашни ҳисобга олган ҳолда университет қошидаги академик лицейнинг ўқув-услубий жараёнини мувофиқлаштириш, унинг тузилмасини, ўқув режалари ва дастурларини ишлаб чиқиш ва тасдиқлаш, қабул параметрлари ва таълим йўналишларини мустақил белгилаш ваколати берилганини қайд этди.

Академик лицей ходимлари билан биргаликда ўқув режа ва дастурлар ишлаб чиқилгани, ўқув режага мувофиқ академик лицейда 2 (икки) ўқув йили давомида жами 23 та фан ўқитилиши, ушбу фанларнинг 10 таси номутахассислик фанлари, 5 таси чуқурлаштирилган фанлар, 8 таси мутахассислик фанлари, ўқув режага мувофиқ умумий ўқув юклама ҳажми 3614 соатни ташкил этишини қайд этди.

Юқоридагилардан келиб чиқиб, Тошкент давлат юридик университети қошидаги академик лицейнинг тузилмаси ҳамда 2020/2021 ўқув йили ўқув режа ва дастурларини тасдиқлаб беришни кенгаш аъзоларидан сўради.

Раислик этувчи муҳокамани яқунлади.

Раислик этувчи мазкур масала юзасидан тайёрланган қарор лойиҳаси бўйича қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ:

1. Тошкент давлат юридик университети қошидаги академик лицейнинг тузилмаси ҳамда 2020/2021 ўқув йили ўқув режа ва дастурларини тасдиқлаш тўғрисида университетнинг Халқаро ҳамкорлик ва узлуксиз таълим бўйича проректори Д.Умаровнинг ахбороти маълумот учун қабул қилинсин.

2. Тошкент давлат юридик университети қошидаги академик лицейнинг тузилмаси 7-иловага мувофиқ тасдиқлансин.

3. Тошкент давлат юридик университети қошидаги академик лицейнинг 2020/2021 ўқув йили ўқув режа ва дастурлари тасдиқлансин.

4. Университет кенгаши котиби (Б.Норматов) Тошкент давлат юридик университети қошидаги академик лицейнинг 2020/2021 ўқув йили ўқув режа ва дастурларини университетнинг тегишли таркибий бўлимлари, университет қошидаги академик лицейга маълумот ва ижро учун етказилишини таъминласин.

5. Тошкент давлат юридик университети қошидаги академик лицейда ўқув жараёни тўғри ташкил этилиши устидан назорат проректор Д.Умаров зиммасига юклансин.

Кун тартибидаги ўнинчи масала – Коррупцияга оид ҳуқуқбузарликлар тўғрисида хабар берган шахсларни рағбатлантириш миқдорини белгилаш тўғрисида бўлиб, ушбу масала юзасидан Ёшлар билан ишлаш бўйича проректор А.Ҳошимхоновнинг ахбороти эшитилди.

Мазкур масала юзасидан проректор А.Ҳошимхонов сўзга чиқиб, Ўзбекистон Республикаси Президентининг 2020 йил 29 апрелдаги ПФ–5987-сон “Ўзбекистон Республикасида юридик таълим ва фанни тубдан такомиллаштириш бўйича кўшимча чора-тадбирлар тўғрисида”ги Фармонига мувофиқ университетда коррупцияга қарши курашиш бўйича бир қатор

локал хужжатлар хусусан Тошкент давлат юридик университетининг коррупцияга қарши курашиш дастури (сиёсати); Йўл харитаси; Одоб-ахлоқ кодекси ва Тошкент давлат юридик университети ходим, талаба, ўқувчи ва докторантлари томонидан коррупциявий ҳуқуқбузарликлар содир этишга оғдириш мақсадида мурожаат қилиш ҳолатлари ҳақида хабардор қилиш тўғрисида низом тасдиқланганини қайд этди.

Тошкент давлат юридик университети Кенгашининг 2020 йил 26 июндаги 6-сон қарорига билан тасдиқланган Тошкент давлат юридик университети ходим, талаба, ўқувчи ва докторантлари томонидан коррупциявий ҳуқуқбузарликлар содир этишга оғдириш мақсадида мурожаат қилиш ҳолатлари ҳақида хабардор қилиш тўғрисида низомда коррупцияга оид ҳуқуқбузарликлар тўғрисида хабар берган шахсларни рағбатлантириш тартиби белгилангани, шу сабабли коррупцияга оид ҳуқуқбузарликлар тўғрисида хабар берган шахсларни рағбатлантириш миқдорини белгилаш лозимлигини қайд этди.

Мазкур тартибга мувофиқ университетдаги коррупцияга оид ҳуқуқбузарликлар тўғрисида хабар берган шахсларни рағбатлантириш ҳақиқатда коррупция факти аризачи томонидан тақдим этилган далил (аудиоёзув, видеоёзув, смс хабар, фото ва ҳоказо)га асосан Комиссия томонидан ўранилиши жараёнида шубҳа уйғотмаган тақдирда ёки тегишли тартибда ваколатли суд ва ҳуқуқни муҳофаза қилувчи органлар томонидан тасдиқлангандагина амалга оширилиши, рағбатлантириш миқдори эса ҳар ўқув йилининг бошида Университет ҳамда унинг муассасалари Кенгашлари томонидан тасдиқланиб, Университетнинг бюджетдан ташқари маблағлари ҳисобидан амалга оширилиши, юқоридагилардан келиб чиққан ҳолда хабар берганлик учун рағбатлантиришни базавий ҳисоблаш миқдорининг 15 бараваригача этиб белгилашни кенгаш аъзоларидан тасдиқлаб беришни сўради.

Раислик этувчи муҳокамани яқунлади.

Раислик этувчи мазкур масала юзасидан тайёрланган қарор лойиҳаси бўйича кимда қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ:

1. Коррупцияга оид ҳуқуқбузарликлар тўғрисида хабар берган шахсларни рағбатлантириш миқдорини белгилаш тўғрисида Ёшлар билан

ишлаш бўйича проректор А.Ҳошимхоновнинг ахбороти маълумот учун қабул қилинсин.

2. Коррупцияга оид ҳуқуқбузарликлар тўғрисида хабар берган шахсларни рағбатлантириш миқдорини базавий ҳисоблашнинг 15 бараваригача этиб белгилансин.

3. Коррупцияга оид ҳуқуқбузарликлар тўғрисида хабар берган шахсларни рағбатлантириш билан боғлиқ масалалар белгиланган тартибда университетнинг бюджетдан ташқари маблағлари ҳисобидан амалга оширилсин.

4. Маънавият ва маърифат маркази (Ш.Пўлотов), Кадрлар бўлими (А.Матмуратов) ҳамда факультет деканлари коррупцияга оид ҳуқуқбузарликлар тўғрисида хабар берган шахсларни рағбатлантириш тартиби ҳамда унинг миқдори ҳақида ходим ва талабаларни хабардор қилиш чораларини кўрсин.

5. Мазкур қарорнинг ижросини назорат қилиш университет ректори Р.Ҳакимов зиммасига юклансин.

Кун тартибидаги ўн биринчи масала – Ижтимоий ҳимояга муҳтож талабаларни моддий рағбатлантириш учун асос бўлувчи меъзонларни белгилаш бўлиб, ушбу масала юзасидан Ёшлар билан ишлаш бўйича проректор А.Ҳошимхоновнинг ахбороти эшитилди.

Мазкур масала юзасидан проректор А.Ҳошимхонов сўзга чиқиб, пандемия шароитида ижтимоий ҳимоя тадбирларини кучайтириш, моддий жиҳатдан қийналганларга ёрдам қилиш лозимлиги, бу борада университет томонидан бир қатор чоралар амалга оширилаётгани, ушбу йўналишда белгиланган ишларни тизимли давом эттириш мақсадида бир қатор ижтимоий ҳимояга муҳтож ҳамда моддий томонлама қийналган талабаларга Талабаларни рағбатлантириш жамғармаси ҳисобидан моддий ёрдам кўрсатиш режалаштирилаётганини қайд этди.

Ўзбекистон Республикаси Вазирлар Маҳкамасининг 2020 йил 31 январдаги “Олий таълим муассасалари талабаларига тўланадиган стипендиялар миқдорларини белгилаш ҳамда стипендиялар тайинлаш ва тўлаш тартибини такомиллаштириш чора-тадбирлари тўғрисида”ги 59-сон қарори 20 бандида Жамғарма маблағлари ҳисобига олий таълим муассасасида давлат гранти ва тўлов-контракт асосида таълим олаётган алоҳида иқтидорга эга, халқаро, республика ва олий таълим миқёсида ўтказилган фан олимпиадалари ва спорт мусобақалари ғолиблари, шунингдек, олий таълим муассасаси кенгаши томонидан белгиланган

мезонларга мувофиқ алоҳида ҳолларда (касаллиги ёки оила аъзоларининг вафоти каби) талабаларга базавий стипендияга нисбатан 10 бараваргача миқдорда бўлган бир марталик рағбатлантириш ёки моддий ёрдам тўлови берилиши мумкинлиги белгиланганини қайд этиб, Тошкент давлат юридик университетида Ижтимоий қўллаб-қувватлашга тавсия этиш учун қуйидаги меъзонларни белгилашни таклиф этди.

1. Кам таъминланган оилаларнинг фарзандлари бўлган талабалар. Ўзбекистон Республикаси Президентининг 2020 йил 4 августдаги “Аҳолига давлат ижтимоий хизматлари ва ёрдам тақдим этиш тартиб-таомилларини автоматлаштириш бўйича қўшимча чора-тадбирлар тўғрисида”ги ПҚ–4797-сон қарори ва Ўзбекистон Республикаси Вазирлар Маҳкамасининг 2013 йил 15 февралдаги “Кам таъминланган оилаларга ижтимоий нафақалар ва моддий ёрдам тайинлаш ва тўлаш тартиби тўғрисидаги низомни тасдиқлаш ҳақида”ги 44-сон қарорига мувофиқ кам таъминланган оила деб топиш фуқаролар ўзини ўзи бошқариш органлари ёки “Ижтимоий ҳимоя ягона реестри”автоматлаштирилган тизими томонидан қонунда белгиланган тартибда аниқланади. Тегишли маълумот Маҳалла ва оилани қўллаб-қувватлаш вазирлиги томонидан сўровнома асосида олинади.

2. Ўзбекистон Республикасининг Солик кодексининг 436-моддасига кўра Боқувчисини йўқотган кўп болали оилалар (ота-онасидан бири ёки ота-онаси вафот этган ҳамда оилада ўн олти ёшга тўлмаган бешта ва ундан ортиқ болалари бўлган оилалар) фарзандлари бўлган талабалар.

3. “Ўзбекистон Республикасида ногиронларни ижтимоий ҳимоя қилиш тўғрисида”ги Қонунига кўра I ва II гуруҳ ногиронлиги бўлган талабалар.

4. Ўзбекистон Республикаси Президентининг 2019 йил 11 февралдаги “Етим болалар ва ота-онасининг қарамоғидан маҳрум бўлган болаларни ижтимоий ҳимоя қилишни кучайтиришга оид қўшимча чора-тадбирлар тўғрисида”ги ПҚ-4185-сон қарорига кўра Тўлиқ давлат таъминотида бўлган етим болалар ва ота-она қарамоғидан маҳрум бўлган болалар.

5. Ўзбекистон Республикаси Президентининг 2020 йил 30 июльдаги “Коронавирус пандемияси даврида ижтимоий ҳимояга ва ёрдамга муҳтож аҳоли қатламларини моддий қўллаб-қувватлашга доир қўшимча чора-тадбирлар тўғрисида”ги ПФ-6038-сон Фармонида кўра Темир дафтарга тушган оила фарзанди бўлган талабалар.

Юқоридагилардан келиб чиқиб, ижтимоий ҳимояга муҳтож талабаларни моддий рағбатлантириш учун асос бўлувчи меъзонларни кенгаш аъзоларидан тасдиқлаб беришни сўради.

Раислик этувчи муҳокамани якунлади.

Раислик этувчи мазкур масала юзасидан тайёрланган қарор лойиҳаси бўйича кимда қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ:

1. Ижтимоий ҳимояга муҳтож талабаларни моддий рағбатлантириш учун асос бўлувчи меъзонларни белгилаш тўғрисида Ёшлар билан ишлаш бўйича проректор А.Ҳошимхоновнинг ахбороти маълумот учун қабул қилинсин.

2. Тошкент давлат юридик университетида Ижтимоий қўллаб-қувватлашга тавсия этиш учун қуйидаги меъзонлар белгилансин:

а) кам таъминланган оилаларнинг фарзандлари бўлган талабалар;

б) боқувчисини йўқотган кўп болали оилалар (ота-онасидан бири ёки ота-онаси вафот этган ҳамда оилада ўн олти ёшга тўлмаган бешта ва ундан ортиқ болалари бўлган оилалар) фарзандлари бўлган талабалар;

в) I ва II гуруҳ ногиронлиги бўлган талабалар;

г) тўлиқ давлат таъминотида бўлган етим болалар ва ота-она қарамоғидан маҳрум бўлган болалар (талабалар);

д) Темир дафтарга тушган оила фарзанди бўлган талабалар.

3. Ёшлар билан ишлаш бўйича проректор А.Ҳошимхонов:

ижтимоий ҳимояга муҳтож талабаларни моддий қўллаб-қувватлаш ишларини мазкур меъзонлар асосида тайёрлаб, стипендия тайинлаш бўйича комиссия (И.Рустамбеков)га тақдим этилишини назорат қилсин;

белгиланган муддатларда ушбу меъзонларга мос келадиган талабалар рўйхатини шакллантириб, уларни моддий рағбатлантириш учун тавсия этиш чораларини кўрсин.

4. Маънавият ва маърифат маркази (Ш.Пўлотов) ҳамда факультет деканлари:

ижтимоий ҳимояга муҳтож талабаларни моддий қўллаб-қувватлаш тартиби ҳамда ушбу меъзонлар бўйича талабалар орасида тушунтириш ишларини олиб борсин;

ижтимоий ҳимояга муҳтож талабаларнинг рўйхатини шакллантирсин ҳамда уни мунтазаам янгилаб бориш чораларини кўрсин;

ижтимоий ҳимояга муҳтож талабаларга белгиланган меъзонлар асосида моддий рағбатлантириш учун зарур бўладиган хужжатлари шакллантиришларига кўмаклашсин.

5. Молия-иқтисод масалалари бўйича проректор Б.Бобожонов моддий қўллаб-қувватлаш билан боғлиқ масалаларни белгиланган тартиб асосида тўлаб берилишини назорат қилсин.

6. Мазкур қарорнинг ижросини назорат қилиш университет ректори Р.Ҳакимов зиммасига юклансин.

Кун тартибидаги ўн иккинчи масала – Давлат стипендияларига эълон қилинган танловда иштирок этиш учун номзод талабаларни тавсия этиш тўғрисида бўлиб, ушбу масала бўйича Маънавият ва маърифат маркази раҳбари Ш.Пўлотов эшитилди.

Мазкур масала юзасидан марказ раҳбари Ш.Пўлотов сўзга чиқиб, Ўзбекистон Республикаси Вазирлар Маҳкамасининг 2008 йил 13 октябрдаги “Ўзбекистон иқтидорли ёшларини тақдирлаш ва моддий рағбатлантириш тўғрисида”ги 226-сон қарорига кўра давлат стипендияларини тайинлаш учун номзодлар кўрсатиш давлат олий таълим муассасалари илмий кенгашлари томонидан, талабгорларнинг ўқув ва илмий фаолиятларини оммавий муҳокама қилиш асосида амалга оширилиши, давлат стипендияларига номзодларни саралаш ва тавсия этиш июнь ва июль ойларида амалга ошириш белгиланганини қайд этиб, 2020/2021 ўқув йили учун давлат стипендияларига номзод сифатида тавсия этилиши учун куйидаги номзодлар ҳақида маълумотларни келтириб ўтди:

Алишер Навоий номидаги давлат стипендиясига “Жиноий одил судлов факультети” талабаси Тўрақулова Назира Абдушукур қизи

Илмий раҳбари Жиноят процессуал ҳуқуқи кафедраси мудири, юридик фанлари номзоди, профессор в.б. Д.Базарова;

Ислом Каримов номидаги давлат стипендиясига:

1-номзод “Оммавий ҳуқуқ факультети” талабаси Истамова Дилафруз Ойбек қизи

Илмий раҳбари Оммавий ҳуқуқ факультети декани юридик фанлари номзоди, профессор Ш.Сайдуллаев

2-номзод “Жиноий одил судлов факультети” талабаси Собиров Саидбек Махмудович

Илмий раҳбари Суд ва ҳуқуқни муҳофаза қилувчи органлар ва адвокатура кафедраси мудири юридик фанлар бўйича фалсафа доктори Д.Камалова

Номзодлар билан танлов комиссияси ҳамда тегишли кафедралар билан суҳбатлар қилиниб, билим даражаси синовдан ўтказилгани, талабгор талабаларнинг ўқиш давомидаги ўзлаштириш даражалари, улар томонидан

амалга оширилган ва чоп этилган ишлар ҳамда қўлга киритилган ютуқлари, даъвогар талабаларнинг фаолияти бўйича фикрномалар ва илмий раҳбари томонидан тақдим этилган хулосалар акс эттирилган йиғма жилдлари шакллантирилгани ва университет Кенгашига тақдим этилгани, юқоридагилардан келиб чиқиб, давлат стипендиялари бўйича талабаларнинг номзодларини тавсия этишни кенгаш аъзоларидан сўради

Раислик этувчи муҳокамани якунлади.

Раислик этувчи мазкур масала юзасидан тайёрланган қарор лойиҳаси бўйича кимда қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ:

1. Давлат стипендияларига эълон қилинган танловда иштирок этиш учун номзод талабаларни тавсия этиш тўғрисида Маънавият ва маърифат маркази раҳбари Ш.Пўлотовнинг ахбороти маълумот учун қабул қилинсин.

2. 2020/2021 ўқув йили учун бакалавриат таълим йўналиши бўйича эълон қилинган номли давлат стипендияларига қуйидаги номзодлар тавсия этилсин.

Алишер Навоий номидаги давлат стипендиясига Жиноий одил судлов факультети” талабаси Тўракулова Назира Абдушукур қизи ҳамда унинг илмий раҳбари Жиноят процессуал ҳуқуқи кафедраси мудир, юридик фанлари номзоди, профессор в.б Д.Базарова;

Ислом Каримов номидаги давлат стипендиясига:

1-номзод “Оммавий ҳуқуқ факультети” талабаси Истамова Дилафруз Ойбек қизи ҳамда унинг илмий раҳбари Оммавий ҳуқуқ факультети декани юридик фанлари номзоди, профессор Ш.Сайдуллаев

2-номзод “Жиноий одил судлов факультети” талабаси Собиров Саидбек Махмудович ҳамда унинг илмий раҳбари Суд ва ҳуқуқни муҳофаза қилувчи органлар ва адвокатура кафедраси мудир юридик фанлар бўйича фалсафа доктори Д.Камалова.

3. Маънавият ва маърифат маркази (Ш.Пўлотов) номзодларнинг зарур ҳужжатларини белгиланган талаблар асосида расмийлаштириб танловнинг иккинчи босқичида иштирок этиш учун уларнинг шахсий ҳужжатлар йиғма жилдини белгиланган муддатда Ўзбекистон Республикаси Олий ва ўрта махсус таълим вазирлигига тақдим этилишини таъминласин.

4. Маънавият ва маърифат маркази (Ш.Пўлотов) ҳамда факультет деканлари:

Университетда Ўзбекистон Республикаси Президенти ҳамда номли давлат стипендиялари, халқаро ва республика танловлари ғолиблари салмоғини ошириш бўйича зарур чораларни амалга оширсин;

талабалар орасида мунтазам равишда турли танлов ва лойиҳалар ўтказиш орқали уларнинг иқтидорларини ошириш чораларини кўрсин;

иқтидорли талабалар рўйхатини шакллантириб, улар билан тизимли ишлаш ва натижадорликка эришиш чораларини кўрсин;

йўналишлар бўйича ўтказилган танлов ва лойиҳаларга муносиб иштирок этиб, натижага эришган талабаларнинг ютуқларини оммалштириш чораларини кўрсин ҳамда уларни муносиб рағбатлантириш бўйича таклифлар тайёрлаб борсин.

5. Ўзбекистон Республикаси Президенти ҳамда номли давлат стипендиялари, халқаро ва республика танловларида иштирок этиши учун талабаларни тайёрлаган ва натижага эришган профессор-ўқитувчилар муносиб равишда рағбатлантирилиши белгилаб ўтилсин.

6. Мазкур қарорнинг бажарилишини назорат қилиш проректор А.Ҳошимхонов зиммасига юклансин.

Кун тартибдаги ўн учинчи масала – Университетда қўшимча пул маблағларини жалб қилиш тартиби тўғрисида бўлиб, ушбу масала бўйича проректор Б.Бобожоновнинг ахбороти эшитилди.

Мазкур масала юзасидан проректор Б.Бобожонов сўзга чиқиб, ТДЮУ Ўзбекистон Республикаси Вазирлар Маҳкамасининг 2019 йил 3 декабрдаги “Олий таълим муассасаларини босқичма-босқич ўзини ўзи молиялаштириш тизимига ўтказиш тўғрисида”ги 967-сон қарорининг 3-бандига асосан университетимизга қўшимча таълим хизматларини кўрсатиш ва бошқа пуллик хизматларни жорий этиш қўшимча вазифа этиб белгиланганлигини қайд этди.

Шундан келиб чиқиб, университет Ахборот-ресурс марказида иловадаги жадвалда келтирилган қўшимча пуллик ахборот кутубхона хизматларини ташкил этиш мақсадга мувофиқ эканлигини ва ушбу хизматлар учун ҳақ тўлаш миқдорларини тасдиқлаш лозимлигини қайд этди.

Бундан ташқари, университет талабалар турар жойида қўшимча хизматлар (китоб ва канцелярия товарлари сотиш дўкони, сартарошхона, нусха кўчириш ва чоп этиш ва х.к)ни, бўш хоналардан талабалар ва уларни ота-оналари учун яшаш хоналари сифатида, пуллик асосда фойдаланишни ташкил этиш лозимлигини, бунда бир кунлик яшаш тўлови базавий

ҳисоблаш миқдорининг 50 фоизи миқдорида белгилаш мақсадга мувофиқлигини айтиб ўтди.

Шу билан бирга, Университетнинг доимий даромадларини ошириш мақсадида Ўзбекистон Республикаси Адлия вазирининг 2020 йил 22 июлдаги “Тошкент давлат юридик университетининг уставини тасдиқлаш тўғрисида”ги 126-ум-сон буйруғи билан тасдиқланган Тошкент давлат юридик университети устави 47-бандига мувофиқ Университет илмий, ўқув ва бошқа инновацион ишланмаларни тижоратлаштириш, шунингдек шартнома асосида қонун ҳужжатларида рухсат берилган бошқа хизмат кўрсатиши ва ўзининг уставида белгиланган мақсадларига мос келадиган доираларда бошқа тадбиркорлик фаолияти билан шуғулланиши мумкинлигидан келиб чиқиб, университетнинг 2 ва 3-ўқув биноларида китоб ва канцелярия товарлари сотиш дўконларини ташкил этиш лозимлигини айтиб ўтди.

Университет типографиясини ривожлантириш ва чоп этиладиган ўқув адабиётлар, дарсликлар, монографиялар, журнал ва бошқа босма нашрларни сифатини янада яхшилаш учун замонавий тежамкор чоп этиш ускуналарини харид қилиш муҳимлигини таъкидлади. Хусусан, қоғоз кесиш аппарати (резак), китоб муқоваси учун плёнка тортиш аппарати (ламинатор), қоғоз буклаш аппарати (биговальный), степлер ускунаси ва игнали тикув машинаси (ниткошвейка) ускуналарини харид қилиш мақсадга мувофиқлигини қайд этди.

Раислик этувчи муҳокамани якунлади.

Раислик этувчи мазкур масала юзасидан тайёрланган қарор лойиҳаси бўйича қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ:

1. Тошкент давлат юридик университетида қўшимча пул маблағларини жалб қилиш юзасидан проректор Б.Бобожоновнинг ахбороти маълумот учун қабул қилинсин.

2. Университет Ахборот-ресурс марказида қўшимча пуллик ахборот кутубхона хизматларини ташкил этиш ва ушбу хизматлар учун ҳақ тўлаш миқдорлари 8-иловага мувофиқ тасдиқлансин.

3. Бош бухгалтер А.Иминов ва Ахборот-ресурс маркази директори Х.Пирмедова пуллик ахборот кутубхона хизматларини кўрсатишни ташкил қилиш чораларини кўрсин.

4. Эксплуатация ва таъмирлаш бошқармаси бошлиғи И.Бозоров, бош бухгалтер А.Иминов, Талабалар турар жойи комплекси раҳбари Н.Шайзаков:

белгиланган тартибда Университет талабалар турар жойида қўшимча хизматлар (китоб ва канцелярия товарлари сотиш дўкони, сартарошхона, нусха кўчириш ва чоп этиш ва х.к)ни ташкил этсин;

Университет талабалар турар жойида мавжуд бўш хоналардан талабаларнинг ота-оналари учун яшаш хоналари сифатида пуллик асосда фойдаланишни ташкил этсин. Бунда бир кунлик яшаш тўлови базавий ҳисоблаш миқдорининг 50 фоизи миқдорида белгилансин.

5. Эксплуатация ва таъмирлаш бошқармаси бошлиғи И.Бозоров, Бош бухгалтер А.Иминов, Харидлар бўлими бошлиғи Б.Кучканов ва Типография бошлиғи Д.Маннапова Университет 2 ва 3-ўқув биносида китоб ва канцелярия дўконини ташкил этиш чораларини кўрсин. Сотиш учун мўлжалланган ўқув адабиётлар ва канцелярия товарларига 20 фоиздан кам бўлмаган миқдорларда устама билан сотилишини таъминласин.

6. Бош бухгалтер А.Иминов, Молия-иқтисод бўлими бошлиғи А.Рахимов, ва Харидлар бўлими бошлиғи Б.Кучканов Типография учун харид қилиниши лозим бўлган ускуналарни бюджетдан ташқари (тўлов контракт) маблағлар ҳисобидан давлат харидлари орқали амалга оширилишини таъминласин.

7. Мазкур қарорнинг бажарилишини назорат қилиш проректор Б.Бобожонов зиммасига юклансин.

Кун тартибидаги ўн тўртинчи масала – ТДЮУ ҳузуридаги Ихтисослаштирилган филиалнинг ўқув режа ва дастурларини тасдиқлаш тўғрисида бўлиб, ушбу масала бўйича ТДЮУ ҳузуридаги ихтисослаштирилган филиал директори ўринбосари И.Джураевнинг ахбороти эшитилди.

Мазкур масала юзасидан филиал директори ўринбосари И.Джураев сўзга чиқиб, Ўзбекистон Республикаси Вазирлар Маҳкамасининг 2019 йил 12 июндаги “Тошкент давлат юридик университетининг Ихтисослаштирилган филиалига ўқишга қабул қилиш тартиби ва ўқув жараёнини ташкил этиш тўғрисида”ги 490-сон қарори (кейинги ўринларда – Қарор)га асосан Тошкент давлат юридик университетининг Ихтисослаштирилган филиали (кейинги ўринларда – Филиал)да ўқув жараёни **Тошкент давлат юридик университети томонидан тасдиқланган** ўқув режалари ва дастурларига мувофиқ амалга оширилиши белгиланганини қайд этди.

Мазкур Қарор билан Филиалнинг ўқув юкламаси ҳажми тасдиқлангани, унга кўра Филиалда кундузги таълим шаклида

бакалавриятнинг махсус уч йиллик дастури асосида юридик кадрларни тайёрлаш бўйича ўқув юкламаси ҳажми қуйидагича белгилангани келтириб ўтди:

Аудитория машғулотларининг максимал ҳажми ҳафтасига 30 соат миқдорида белгиланди. Ўқишнинг норматив муддати уч йил бўлгани ҳолда ўқув жараёни 150 ҳафтани ташкил этади.

Умумий ўқув вақти ҳажми қуйидагича тақсимланди:

назарий таълим – 45-60%;

аттестация – 8-16%;

таътил – 7-16%;

мустақил тайёргарлик – 6-15%;

малака амалиёти – 4-10%;

давлат аттестацияси – 3-6%.

Назарий таълим ҳажми қуйидаги фанлар блоклари бўйича тақсимланди:

номутахассислик фанлари – 10-30%;

мутахассислик фанлари – 50-70%;

қўшимча фанлар – 5-20%.

Филиалда олий ноюридик маълумотга эга бўлган кадрларни махсус олти ойлик дастур асосида қайта тайёрлаш бўйича ўқув юкламаси ҳажми қуйидагича белгиланган:

Аудитория машғулотларининг максимал ҳажми ҳафтасига 30 соат миқдорида белгиланди. Ўқув жараёни давомийлиги 26 ҳафтани ташкил этади.

Умумий ўқув вақти ҳажми қуйидагича тақсимланди:

назарий таълим – 18-24 ҳафта;

аттестация – 2-4 ҳафта;

битирув иши – 1-2 ҳафта.

Назарий таълим ҳажми фанлар блоклари бўйича қуйидагича тақсимланади:

мажбурий фанлар – 70-90%;

танлов фанлари – 10-30%.

Шунингдек, Филиалнинг 5240100 – Юриспруденция(ҳуқуқбузарликлар профилактикаси ва жамоат хавфсизлигини таъминлаш) таълим йўналиши ҳамда Ҳуқуқбузарликлар профилактикаси ва жамоат хавфсизлигини таъминлаш мутахассислиги бўйича қайта тайёрлаш курси учун тайёрланган ўқув режалари ва ўқув дастурлари лойиҳалари Ўзбекистон Республикаси Ички ишлар вазирлиги, Миллий гвардияси, Тошкент давлат юридик университети билан ҳамкорликда ишлаб чиқилгани, бакалаврият таълим

йўналиши ўқув режасидаги номутахассислик фанлари, мутахассислик (шу жумладан танлов фанлари) ва қўшимча фанлар, шунингдек олий ноюримдик маълумотга эга бўлган кадрларни махсус олти ойлик дастур бўйича қайта тайёрлаш курси ўқув режасидаги мажбурий фанлар ва танлов фанлари блоклари хорижий олий таълим муассасаларининг тажрибаси ва кадрлар истеъмолчилари талабларини инобатга олган ҳолда шакллантирилганини қайд этди.

2020/2021 ўқув йилидан бошлаб 1-курсга нисбатан амал қиладиган ўқув режанинг ўқув юкламаси ҳажми номутахассислик фанларга **13%**, мутахассислик (танлов фанлар билан бирга) **68%**, қўшимча фанларга **19%** ни ташкил этишини қайд этиб, Филиалнинг 5240100 – Юриспруденция (ҳуқуқбузарликлар профилактикаси ва жамоат хавфсизлигини таъминлаш) таълим йўналиши ва Ҳуқуқбузарликлар профилактикаси ва жамоат хавфсизлигини таъминлаш мутахассислиги бўйича қайта тайёрлаш курси ўқув режаларини, шунингдек 1, 2-курс ва қайта тайёрлаш курси ўқув режаларига мувофиқ ишлаб чиқилган ўқув дастурларини кенгаш аъзоларидан тасдиқлаб беришни сўради.

Раислик этувчи муҳокамани яқунлади.

Раислик этувчи мазкур масала юзасидан тайёрланган қарор лойиҳаси бўйича кимда қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ:

1. Тошкент давлат юридик университетининг Ихтисослаштирилган филиалининг бакалавриат таълим йўналиши ҳамда қайта тайёрлаш курси ўқув режа ва дастурларини тасдиқлаш тўғрисида Филиал директори ўринбосари И.Джураевнинг ахбороти маълумот учун қабул қилинсин.

2. Филиалнинг 5240100 – Юриспруденция (ҳуқуқбузарликлар профилактикаси ва жамоат хавфсизлигини таъминлаш) таълим йўналиши ва Ҳуқуқбузарликлар профилактикаси ва жамоат хавфсизлигини таъминлаш мутахассислиги бўйича қайта тайёрлаш курси ўқув режаларини, шунингдек 1, 2-курс ва қайта тайёрлаш курси ўқув режаларига мувофиқ ишлаб чиқилган ўқув дастурлари тасдиқлансин.

3. Тайёрлаш курслари (Ш. Ҳамрақулов), Қайта тайёрлаш курслари (Л. Алимов), Ўқув-услугий бўлими (Н. Жалилов) ва кафедра мудирлари Тошкент давлат юридик университети томонидан тасдиқланган Филиалнинг 5240100 – Юриспруденция (ҳуқуқбузарликлар профилактикаси ва жамоат

хавфсизлигини таъминлаш) таълим йўналиши ва Ҳуқуқбузарликлар профилактикаси ва жамоат хавфсизлигини таъминлаш мутахассислиги бўйича қайта тайёрлаш курси ўқув режалари ва ўқув дастурлари асосида ўқув жараёнининг сифатли ташкил этилишини назорат қилсин.

4. Филиалнинг 5240100 – Юриспруденция (ҳуқуқбузарликлар профилактикаси ва жамоат хавфсизлигини таъминлаш) таълим йўналиши 1-курсда дарс машғулотлари 2020 йил октябрь ойидан бошланишини ҳисобга олган ҳолда мазкур курслар учун ўқув жараёни жадвали ва дарс жадвалини шакллантиришда ўқув режада назарда тутилган мустақил таълим ҳамда айрим аттестация ҳафталарида дарс машғулотлари ўтилиши белгилансин.

5. Мазкур қарорнинг бажарилишини назорат қилиш Филиал директори ўринбосари И. Джураев зиммасига юклансин.

Кун тартибидаги ўн бешинчи масала – ТДЮУ Ўқув жараёни графиги тўғрисида бўлиб, ушбу масала бўйича Ўқув-услубий бошқарма бошлиғи А.Тошпулатовнинг ахбороти эшитилди.

Мазкур масала юзасидан бошқарма бошлиғи А.Тошпулатов сўзга чиқиб, 2020/2020 ўқув йили дарс машғулотлари ўқув режага мувофиқ 2 сентябрдан бошланиши ва 2021 йил июнь ойида тугалланиши, сентябрь ойининг биринчи ҳафтаси (2-5-сентябрь) танишув ҳафтаси бўлиб, бунда дарс машғулотлари ўтказилмаслиги, талабалар кредит-модуль тизими билан таништирилиши, талабалар танлов фанларни ва ўқитувчиларни танлаши ва шу асосда дарс жадвали шакллантирилиши, бевосита дарс машғулотлари 7 сентябрдан бошланиши, ҳар семестрда 2 ҳафтадан мустақил танишув ҳафталиги назарда тутилган бўлиб, бунда талабаларга дарс мағулотлари ўтказилмаслигини қайд этди.

Коронавирус пандемияси билан киритилган чекловлар туфайли 1-курс ва магистратурага қабул учун кириш имтиҳонлари сентябрь ойида ўтказилиши, натижада сентябрь ойида бакалаврият 2-4-курс талабалари учун дарс машғулотлари ўтказилиши, бакалаврият 1-курс ҳамда магистратура талабалари учун октябрь ойидан дарс машғулотлари бошланиши дарс жараёни графигига тегишли ўзгартиришлар киритишни тақозо этаётганини қайд этди.

Шу муносабат билан, ўқув режада белгиланган мустақил таълим ҳафталикларида бакалаврият 1-курс ва магистратура талабалари учун дарс машғулотларини қўйиш таклиф этди ҳамда шу орқали бакалаврият 1-курс ва магистратура талабалари учун ҳам 2020/2021 ўқув йили графигини 2021 йил июнь ойида тугатиш мумкинлигини қайд этди.

Юқоридагилардан келиб чиқиб, ўқув режага тегишли ўзгартириш киритишни кенгаш аъзоларидан тасдиқлаб беришни сўради.

Раислик этувчи муҳокамани якунлади.

Раислик этувчи мазкур масала юзасидан тайёрланган қарор лойиҳаси бўйича кимда қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ:

1. 2020/2021 ўқув йили ўқув жараёни графиги тўғрисида Ўқув-услубий бошқарма бошлиғи А.Тошпулатовнинг ахбороти маълумот учун қабул қилинсин.

2. 2020/2021 ўқув йили ўқув жараёни графиги 9-иловага мувофиқ тасдиқлансин.

3. Ўқув-услубий бошқарма (А.Тошпулатов) факультет деканлари билан биргаликда:

бакалавриат 1-курс ва магистратура талабалари учун дарс машғулотлари 2020 йил октябрь ойидан бошланишини ҳисобга олган ҳолда мазкур курслар учун дарс жадвалини шакллантиришда ўқув режада назарда тутилган мустақил таълим ҳафталикларида ҳам дарс машғулотлари ўтилишини белгиласин;

2020/2021 ўқув йили ўқув жараёни графиги ўқув режада белгиланган муддатларда якунланишини таъминласин.

4. Ушбу қарори ижроси назорати проректор И.Рустамбеков зиммасига юклансин.

Кун тартибидаги ўн олтинчи масала – Тошкент давлат юридик университети ходимларининг лавозим йўриқномасини янги таҳрирда тасдиқлаш тўғрисида бўлиб, ушбу масала бўйича Кадрлар бўлими бошлиғи А.Матмуротовнинг ахбороти эшитилди.

Мазкур масала юзасидан бўлим бошлиғи А.Матмуротов сўзга чиқиб, Тошкент давлат юридик университети ходимларининг лавозим йўриқномаси Ўзбекистон Республикаси Президентининг 2017 йил 28 апрелдаги “Тошкент давлат юридик университетида кадрлар тайёрлаш тизимини тубдан такомиллаштириш ва самарадорлигини ошириш чора-тадбирлари тўғрисида”ги ПҚ–2932-сон қарори ва Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик

таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ–5987-сон Фармони, Ўзбекистон Республикаси Вазирлар Маҳкамасининг 2017 йил 4 октябрдаги “Хизматчиларнинг асосий лавозимлари ва ишчилар касблари классификаторини янада такомиллаштириш тўғрисида”ги 795-сон қарори, Ўзбекистон Республикаси адлия вазирининг 2020 йил 24 мартдаги 68-ум-сон буйруғи билан тасдиқланган Адлия органлари ва муассасаларида HR-менежмент тизими тўғрисидаги низом, Тошкент давлат юридик университетининг Уставига мувофиқ ишлаб чиқилганлиги, мазкур низом Тошкент давлат юридик университети ходимлари ўртасида меҳнат тақсимоти, уларнинг лавозим мажбуриятлари, ушбу лавозимга кадрларни танлаш, шунингдек ушбу лавозимларда иш юритаётган ходимлардан мутахассислиги ва малакасига қараб тўғри фойдаланишни назорат қилиш ва уларни аттестациядан ўтказиш асосларини белгилаб беришни қайд этди.

Шунингдек, Тошкент давлат юридик университетининг янгиланган ташкилий тузилмаси тасдиқланганлиги муносабати билан штатлар жадвалига янги лавозимлар ва таркибий бўлинмалар киритилгани, ушбу лавозимларда меҳнат фаолиятини олиб борадиган ходимларнинг аниқ хизмат вазифалари ва ҳуқуқлари, эгаллаб турган лавозими учун белгиланадиган малака талаблари ва тавсифларини аниқлаш зарурати мавжудлиги, университетда меҳнат унумдорлигини ошириш ҳамда профессор-ўқитувчи ва ходимлар учун зарур шарт-шароитларни яратиб бериш, дастурий ҳужжатларда белгиланган ва университет олдида қўйилган асосий мақсад ва вазифаларни тўлақонли ижросини таъминлаш мақсадида Тошкент давлат юридик университети ходимларининг лавозим йўриқномасини янги таҳририни кенгаш аъзоларидан тасдиқлаб беришни сўради.

Раислик этувчи муҳокамани якунлади.

Раислик этувчи мазкур масала юзасидан тайёрланган қарор лойиҳаси бўйича кимда қандай таклиф ва мулоҳазалар борлигини, агар таклиф ва мулоҳазалар бўлмаса, кенгаш аъзоларидан овоз беришларини сўради.

Ҳамма рози, бетараф ва қаршилар йўқ.

Мазкур масала бўйича университет кенгаши

ҚАРОР ҚИЛАДИ:

1. Тошкент давлат юридик университети ходимларининг лавозим йўриқномасини янги таҳрирда тасдиқлаш тўғрисида Кадрлар бўлими бошлиғи А.Матмуротовнинг ахбороти маълумот ва ижро учун қабул қилинсин.

2. Тошкент давлат юридик университети ходимларининг лавозим йўриқномаси янги таҳрирда 10-иловага мувофиқ тасдиқлансин.

3. Кадрлар бўлими (А.Матмуротов) Университетда барча таркибий бўлимлар ходимлари томонидан мазкур йўриқнома асосида иш юритилишини назорат қилиш таъминласин.

4. Мазкур қарорнинг бажарилишини назорат қилиш университет ректори Р.Хакимов зиммасига юклансин.

Кенгаш мажлиси охирида кенгашга раислик этувчи кенгаш аъзоларига соғлиқ-саломатлик ва кейинги ишларида омад тилаб мажлисни ёпиқ деб эълон қилди.

Кенгаш раиси



Кенгаш котиби


Р.Хакимов


Б.Норматов